

韓氏家集


254
9705
12

卷十六



從父瑤池公行狀

公諱應翼字遠卿號愚谷瑤池其更號云高祖二菊翁諱某贈南京戶部員外郎曾祖敬齋翁諱某祖封刑部主事南陽翁諱某翁子二長余祖福建參議少南翁次郡文學少陽翁諱紹元娶於孔實生公少警敏稍長授書不恒誦輒背琅琅又善作大字南陽翁奇之弱冠以尙書補邑博士弟子尋院試第一廩學宮讀書上窺經史旁及諸子稗



官烈暑隆寒罔閒鄉棲數椽僅蔽風雨泊如耳舍旁有岡
環池松柏鬱葦南陽翁構亭其上始構時有異夢以貽公
蓋期之云公肖南北斗諸像于亭虔奉弗懈風朝月夕攜
笈一登放歌長嘯嘒嘒然有糠粃世故傲睨人寰之想儕
輩詫爲狂弗顧也先少參資故奇留心千秋之業罷官歸
益嗜文獎勵後進曰繼吾者是子耳所助研資視諸子惟
時郡守施公開館延致諸生毘陵人文稱盛公與焉竟以
數奇屢薦京兆不售癸未始貢春官卒業北雍有聲亦弗
售公少失恃中遭父喪坎壈跡弛顛駸駸二毛矣乙未就

選入得陝西安定令安定山谷之間地瘠民稀且逼回穴
或謂公書生不嫻爲吏公至則拊循疾苦而釐剔其奸邑
當孔道置郵四郵歲各羨金百餘前令乾沒以爲常公不
受故事令俸米計石折二金公汰其半貧民積逋以百計
出貲代償焉邑尉借入計科里甲則逮而置之法他如均
徭役省贖鍰平寃抑撫流移必殫力而後已公雖爲吏乎
不廢文字臺使監司有所索據案答如流無不嘖嘖歎倚
馬才或移檄督撰則抗辭謝之亦以是賈忌政暇與諸生
講說舉業字法人人喜得明師安定故邊徼自憲副張與

先少參同舉嘉靖丁未凡六十年始有發南宮者卽張公
孫實公試童子首拔士也且不以先少參故公又善應變
一大帥出邊屢恃戰功驕貴甚其裨校騷擾供億亡算民
不能應輒加榜掠所過望風闔門公廉其至下令民亡恐
自出值悉索鄉城輿馬如例以待而裁其濫游兵強掠民
閒芻食縛以白帥眾遂亡譁公乃持壺漿迎勞曰將軍爲
國出死力禦敵寇其護愛將士宜耳令亦惟是爲 天子
恤此窮黎保有邊境幸今相與有成帥大喜酒酣公睨帥
旁所侍大刀笑曰將軍能舉乎帥曰能遂起舞公卽席爲

歌大刀以揚其武帥益喜去是役也民不擾而事不償公
倉卒談笑屈人類如此敵騎數犯邊聞警輒披裘仗劍登
陴家人難之公曰卽不測吾當狗耳俄報敵至今開門敵
疑有備引去士民稽首曰吾以令文家子願諳武略耶吾
屬幸無憂矣在邑三年治行日起會一監司不協欲調公
而難其名上書謂南人不宜北地文水近蜀風土饒其以
安定令移之便公聞恚曰吾爲令豈規身便哉但吾與諸
父老約方有所興革未觀厥成奈何未幾銓部察公賢下
檄久任監司愈拂遂揭害公戊戌大計竟中考功法未滿

一考公間報趨行士民遮道泣留數慰遣乃去去後爭尸
祝焉赴調雲南省幕間道歸省先壠公素有四方志謂丈
夫不當守閨闈老死其趨滇也若有終焉之計檢故所業
田廬除供祭外分授諸女先址旁地遺椽授從弟某某曰
吾何用此累後人獨視前南陽草亭荒廢殆盡不禁愀然
召不肖曰茲吾大父精神所遺又吾少誦讀區也小子其
毋忘余謹受教乃挈家泛大江行次蕪湖忽有異感竟賦
十絕歸矣公於去住無著其起家之秦之滇則若忘其家
其自秦滇之家則又若忘其宦人目爲放浪而孰知其蘧

廬天地哉公故食貧居官無長物舊業又分散盡僅舉所
餘俸錙買宅一區田一頃授子慎初而自賣文爲活傲惟
故履澹漿粗食一如諸生時橐稍贏輒又所善親交及平
頭奴隨手散去若不肯使牀頭有黃金者郡邑大夫修史
公以博洽與辟多所屬稿而主筆有人會有銜之者嗾他
人洩忿於公公不辯而史竟成東南士人聚徒講學所在
扁舟往後進少年問字趾相錯公任其所出紙筆瞬息揮
毫人人厭所欲去或卽景爲題不假思索韻致天然其論
文必先六經而後諸家听夕娓娓至聽已倦而談尙雄其

天性耳暇則蓬跣嗒焉兀坐四壁圖書時爲方外交緇黃
滿座尤好佛乘誕日必集勝侶禮讖畢然後召子姓賓朋
張燕俳優粉黛雜然並進性不飲而喜人飲狂歌雅謔疎
簡有晉人風歲往鄉祭掃造南陽翁松竹故處行吟坐眺
每爲神怡年已踰耆行步甚駛人盡以上壽期公公亦自
謂得尊生旨忽一日稱病遣弟召余余往值公寐再往而
公已自分不起索平日所讀稗書置枕間揮手屏人竟瞑
是爲萬厯庚戌正月二十一日嗚呼公嘗言生平當於此
際得力其然耶公爲人放達樂善好施其隨眾似阿獨行

似倨或作青白眼總無他腸人或伎侮之亦不較見人力
學獎誘不置有急難傾篋狗之談及古今忠節事咨嗟涕
洟義形于色所師友多當世名碩海內騷墨士強半知有
惲先生閱書不論多寡必終帙朱墨青黃評解不一令人
展誦可喜字宗晉唐細楷雋美行書晚更秀勁片楮率意
尤佳間效急就章逼古自言官秦覽遺碑有進云文各成
致更工四六而詩尤得風人體有歸與堂集若干卷藏於
家嘗扼腕人品時事欲有所論著惜未竟也距生嘉靖乙
巳十一月二十三日得年六十有六配楊孺人先卒子慎

初禮部冠帶儒士娶蔣氏女四一字同邑諸生徐元戌一
適孔士元一適長興顧履豐一適青浦廩生潘衷駿字徐
適潘亦先公卒女孫二長字蔣賓圻次字蔣某墓在胥城
橋北之新阡厥初旣爲狀而歎曰富貴之於人甚矣哉公
始困時極寒士所不堪乃竟不染於宦且舉先業悉散之
疏昆弟滇之役御史大夫三原溫公寔注意焉長揖不赴
豈非人情所難說者謂窮愁力學未博一第冰蘖廩官不
過五斗以是惜公然公所得政不在此至姍其不事家人
產與鄉里曲謹噫使公不爲所姍何以見公平彼夫不餘

力而讓財老死亡厥究竟何如也余宗博文彊記自先少
參下僅公一人一人且祖吾儕安仰所繇反覆追慕不勝
麟亡之痛耳倘微大方錫之銘傳則豈獨藐焉孤弟拜執
事之賜

通議右學大夫太僕寺卿其長也府君姪厥初謹述

復茲長所再從先臨池先生年十九種博士弟子也

舉於國是十年而後進士是時爲明神宗萬曆三十二年

甲辰科也廷試後職政州都督僉事乙巳再舉

例轉應推惟是丙午卒而後去赴京請選

光祿寺正卿先祖考撫原府君行狀

府君諱厥初字伯生一字衷白號撫原系出漢梁王左相
後世爲武進人初居通江鄉孟河之濱至南宋時繼恩府
君析居永勝西鄉爲上店憚氏其詳在少南府君行狀中
通議君舉丈夫子四府君其長也府君三歲痘甚險危而
復蘇長師再從父瑤池先生年十九補博士弟子二十三
舉於鄉越十年而成進士是時爲明神宗萬曆三十二年
甲辰科也廷試後觀政刑部告假歸乙巳周旋兩尊人之
側脩視膳惟謹丙午奉兩大人赴京謁選得行人冊封魯

藩藩主賢之享餽甚厚悉謝弗受丁未復命隨奉詔起舊
輔婁江文肅王公錫爵時文肅與柄政者不協權貴多欲
擠排之府君出都門有六七貴人迎於途因語曰君至婁
江宜以王氏帷薄不修事入告府君曰王氏中冓行人安
得知行人奉天子命召大臣不過司奔走宣上意而已不
容有所可否也諸人怏怏而返至太倉致君命錫爵稱病
不起明年復命府君往而要者復至并袖疏稿以進曰能
行此則清要可立躋也公曰與王公俱得罪則可耳賈公
弗爲也卒卻之是時神宗眷注錫爵益隆而錫爵以弗愜

於時終不起府君乃留以待歲兩造其廬凡歷四年庚戌
春錫爵卒乃奉遺疏以復命使事乃竣辛亥陞戶部主事
秋九月十九日在都聞蔣淑人訃痛弗及視含歛哀毀欲
絕壬子癸丑讀禮守制甲寅服闋日侍通議君刻不忍離
乙卯贈君促治裝徘徊不決五月通議君忽棄養遂守制
丁巳冬服闋戊午夏赴京授兵部職方主政時東隅告警
共視樞曹爲畏途府君隨所置焉十六年老甲科此爲歷
仕之始己未冬賚武錄謁孝陵便道旋里庚申里居辛酉
冬偕褚淑人赴京裝未解安酋反川西告急有賜劔督臣

命同舍郎莫肯行府君慷慨陞辭冒雪星馳壬戌元旦過
金臺無留行幸不失師期竣役還都值正郎某有議因承
乏分考禮闈詩六房得士二十一入文章政事爲世名臣
尤多以節烈聞者是時魏忠賢子良卿敘慶陵功蔭指揮
僉事而故事封襲之典須司馬郎署牘乃行府君恐爲奄
人用乃請外補癸亥冬副浙臬甲子監秋試出闈卽拮据
代覲所列賢否悉孚輿論不任德不避怨屬有輿援挾上
臺意旨冀易評語卒不爲奪郡邑具脂車費禁弗投有托
公文賫送者原緘發回故事覲有公費府君不一染指乙

丑三月復任丙寅參閩藩分守福興泉時海氛甚熾文武束手勦撫莫決而興泉瀕海府君捍禦有方士民賴焉丁卯提調秋闈監試某苛責士子初場小旨積至數百卷禁弗謫府君念士子三載辛勤何忍以一時偶誤擯抑悉發謫錄內多獲雋者撤棘後府君絕不道及卽雋者亦無一人知也戊辰思宗改元拜楚憲長之命是時卽欲返初服同里文端吳公宗達總角交而又同籍也曰新主龍飛朝政清肅胡忽自棄且而先世多宦楚胡不益光先烈乎遷延及秋勉強就道所轄辰常地曠民醇己巳冬京師多警

有入援之役同列互諉府君弗辭遣家屬回里隻身赴愬
庚午正月督兵入京紀律嚴明器甲完繕及都門尙餘三
月糧大司馬梁公出觀軍容再揖府君曰可稱完師矣譬
之救焚鄰家失火衆往救之乃向主人索械索糈而後從
事不已燎原乎援師四至惟公克稱職思宗聞之密遣中
使躍馬入軍勞且問方畧遂拜疏以進奉 周 硃批用兵料
敵必須審情這本說得是某着回任師留聽調後卒以捷
聞是秋陞陝西右轄而乞休之志決矣故事方面乞休者
必由撫按代題而秦楚兩地上臺俱不允遂具疏入告蒙

恩旨某歎歷中外夙著才名祇以積勞成疾控疏乞休情
非得已令本官在籍調理病痊之日着撫按奏薦起用蓋
異數也時年五十有九先是浙江驛傳有坐敕一道遞相
授受府君交後任赴閩藩此丙寅年事歷乙亥己十年繼
任者荊州某以家訃焚滅爲接代者糾舉遂下吏議此時
荊州某方陞職有與援因府君在籍乃委咎焉功司徇情
不察亦以府君爲致仕歸也可以代人受過竟以其罪罪
之不知蒙恩在籍養病實未去職府君亦不致辨甲戌陪
推江西右轄甲申正推八閩左轄府君曰余絕意仕進久

惟上家類 卷一六 廿一
矣忽遇此推心竊訝之入上不果用蓋銓地之公揆席之
明兩見之也府君自思宗崇禎三年乞休杜門不出者十
有五年而甲申之禍作矣福王稱帝南京乙酉春特起光
祿寺卿是時馬阮當國府君曰疆場無勝算而朝黨日爭
時事可知且江北四鎮分據地隘兵衆左良玉擁兵在上
游朝夕有王敦桓溫之禍誰爲王謝諸人哉卒不赴府君
出處進退皆準以義不好爲苟難不過激烈不爲其所不
必爲勿任其所不能任但求其心之安而已辛卯十月以
蜚語株及跋涉京口白下八十頽齡怡然任之顧未免少

損眠食遂以壬辰之春二月十有一日端坐而逝壽八十
有一先大父府君棄世時大獄方興雖身歿幾不免羅織
先考府君瓘瓘隻身集蓼萬狀迨癸巳議稍定始得草草
襄事墓石俱弗備未能爲大父狀然嘉言懿行恐久而遂
湮日夜是懼因敢據遺稿得一生梗概謹狀如右府君生
於明隆慶六年壬申八月二十五日卒於國朝順治九
年壬辰二月十一日所著有知希菴稿素園草皆未刻配
大母褚淑人生於明萬曆二年甲戌九月初六日卒於
國朝順治十四年丁酉十月十七日壽八十有四合葬豐

北鄉武城新阡之主穴子男三人胡翔翹俱庠生孫男七人駿駢皆郡庠生駢邑增生駟改名華康熙丁巳舉人授內閣中書驪順治甲午舉人辛丑進士任景州知州駮康熙庚午歲貢啟巽康熙己酉舉人庚戌進士仕內閣中書曾孫二十七人東生康熙戊午舉人辛未進士鶴生康熙戊子舉人范鏌慶生安宗寬生繩生調生皆太學生德柄寅生皆庠生資生貞生采生賓生杲生廣生泰生宸生乾生眞生馨生進生緝生綿生高生寵生纘生皆業儒

孫男華謹狀

內閣中書先考生于府君行述

府君諱詡字升伯號生于懸原翁長子繹思翁冢孫少南翁曾孫之長也明萬曆二十五年丁酉六月二十九日申時生乙卯十九歲入郡庠自戊午迄崇禎壬午歷試優等九應棘闈幾得而復失者再鼎革後自悼負奇不售遂決棄所業日夕娛親終身兢惕故以生于自號順治十二年乙未十月二十四日戌時卒博學茂行賈志未遂年五十九以季子華勅贈徵仕郎內閣中書府君同懷三人備極友愛痛仲季早亡心傷意戚情見乎奠季父飛伯文一

切家累隻身獨任事無巨細無不曲體親心撫孤姪一如所生先大父告歸優游林下二十餘年若不知有塵世者皆府君之善承歡也先大父以壬辰棄世時大獄方興幾不免羅織府君皤皤隻身集蓼茹荼不可名狀其事具期年祭告文中妣氏吳外祖諱元萬歷戊戌進士任湖廣布政司于歸後綦縞相對有無黽勉敬事舅姑婉婉聽從躬率子媳婢婦紡績女紅不輟自甘儉約而於賓師必當禮得子遲暮雖極愛教之尤嚴念季子華嚴親早背頭角未露以母兼父出入必詢晨昏必叩所讀何書所行何事所

交接何人合則喜不合則怒自幼至長如一日也康熙十
六年丁巳已抱病一載秋七月猶命華趨裝應試華遂巡
未決乃叱之曰吾比春夏稍愈爾豈可耽悞功名負我期
望華遵諭赴試試畢遄歸而病已劇矣是科華幸獲雋母
因執華手曰余年四十有四生汝猶幸見汝舉於鄉奈余
年老病篤不獲見汝赴禮闈矣然余不爲不壽勿以余之
故過於哀毀立身揚名以顯祖父之業是余之願也望之
勉之是年十月二十八日戌時含笑而逝十二月十九日
合葬於武城之首昭穴後華以覃例贈孺人男三人長

駸郡庠生娶毛氏次駢邑增生娶劉氏季華康熙丁巳科
舉人授內閣中書娶荆氏女四人陸律諧邵鼎鉉蔣璣吳
檄其壻也孫男十一人安宗德柄鶴生宸生寬生寅生寵
生繩生緝生綿生纘生曾男二十有一人鍾儀鍾綸鍾清
鍾儼鍾和鍾郊鍾武鍾侃鍾偁鍾晏鍾邴鍾普鍾禹鍾成
鍾漢鍾僖鍾梁鍾俊鍾弇鍾茂鍾珍

男華謹述

...

...

顯考恕行府君行述

府君諱華字元御原名駟字又駟別號恕行府君兄弟三人府君其季也自幼穎異六歲就塾過目成誦庚寅府君年十一隨曾王父遊孟河江上曾王父有孫七人府君最幼卽能口占步韻成七言一律有春江無處不花明一葦乘風破浪清之句曾王父喜而嘉賞座客無不驚異賀有文孫也越二載壬辰曾王父捐館乙未王父又見背府君年十六躡踊哭泣哀毀骨立見者皆爲隕涕服闋大母吳太孺人以母兼父延師督課凡所與遊必審爲端人則喜

否則怒形於色府君每偵喜怒以擇交焉如文友董先生
墨濤吳先生正夫張先生遐佐陳先生皆晦明風雨交也
戊戌娶吾母荆孺人外祖邇菴公見府君劬躬砥行績學
勵志恆以大器目焉是歲長伯父又騃公早世府君見祖
父繼歿長兄復無祿不勝感悼而又恐重傷大母心進則
多方慰解退則飲泣欷歔彌年不懈旣而假館天甯鍵關
習靜發篋揣摩罔間寒暑壬寅張邑尊科試第一卽受知
於督學孫公補博士弟子員己酉督學簡公閱卷佳賞進
增廣生丁巳入太學仍試南闈歸而大母吳太孺人示微

恙捷音至府君無喜色延醫侍疾惟謹迨至孟冬疾轉劇
府君侍側衣不解帶寢不安枕太孺人曰余年四十有四
生汝今幸見汝舉於鄉余復何憾勿以我故過於哀毀汝
兄歸可以我語告之時伯父匪菴公應試順天尙未抵里
太孺人卒府君一慟幾絕自含歛以至朝夕上奠易戚備
至凡大母所遺簪珥之屬悉鍼鑰以俟伯父一無所私庚
申服闋壬戌會試因謁鄉同考任太老師暨大主考趙沈
兩太老師見府君秉性厚重學問淵博皆敬禮焉嗣此乙
丑戊辰至甲戌凡五上公車不得一第戊寅拜受中書之

救命并贈大父徵仕郎大母太孀人焉歸而焚香告廟意不自足也自此淡於仕進杜門謝客不入公門然郡邑有事未嘗不咨請請則未嘗不應也有事未嘗不委重委則未嘗不辦也值歲飢與里中前學憲嵩侶高公同賑某鄉按口給食躬親發粟不使里胥中飽飢民受實惠焉又值浚河與今都憲松伍趙公按里派役按畝派夫不使吏胥作奸工畢而民不重困焉府君在鄉經理如此使受官於朝一展厥才設施當何如也先是曾大父光祿公卒遺命無作記傳誌銘有感懷詩十首生平事跡畧具王父徵仕

公有註記府君泣而敬授之梓附光祿公所刻先世叔祖
黃山谿堂集及高大父少南公林居考槃諸集後名之曰
天鈞閣會編尙有光祿公知希菴稿素園草若干卷府君
猶欲續刻以問世嗚呼竟有志未逮也府君又念吾憚自
漢相國以來歷唐宋元明以至
文德公以青宮早世志山
昭代凡六十五世衆至數千餘人我高祖南陽公首創宗
譜曾叔祖岱璵公續修之又族祖慎微公雖嘗纂修不無
舛錯絳漏世代漸遠府君懼久而愈失其真用是力任排
纂支分派別窮源溯委五易寒暑始克成編向之舛錯者

正絳漏者備疑似者核實而去畱之捧譜告成於祖廟宗族稱允當焉居恆篤兄弟歡大伯父卒後敬事二伯父五十年如一日又友愛諸姪屬望如已出命不孝兄弟受業有功兄門下者三載戊子秋闈臬聞兄獲雋府君喜而不寐曰吾同祖兄弟七人余伯兄又騃公以青衿早世心山元理兩兄辛丑庚戌成進士元眉兄中辛卯鄉副余亦幸邀一榜退菴長兄以姪岱存貴亦獲一命惟余仲兄匪菴公由庠入太學篤行力學而不獲身受稽古之榮今得臬聞少展矣從此蟬聯鵲起以大吾兄未竟之志而益恢光

祿公之業者在吾子姪若孫勉之因賦詩二律并徵親友
和韻成帙以誌喜云邇年來一切不與戶外事惟日課諸
孫諸孫早就外塾每晚問候齋中必令背誦所習經史率
以爲常乙酉歲卜吉練塘橋預開北域并建草堂於其側
暇日或遊詠其閒囑祖錫龔先生繪練塘圖并題詩其上
高見達觀又如此庚寅吾母荆孺人卒念食貧茹苦相莊
者五十年不勝痛悼有悲懷詩二首囑親友次韻成集以
當碑銘自此視聽稍衰今壬辰春疾間作至秋轉劇處分
家事縷縷纖悉無遺呼不孝兄弟諭曰死者人所必有年

踰古希不爲不壽所有先疇公同親交均醜肥瘠與汝二弟遺孤三分闡分汝等謹守之至我死後惟以骨肉歸土爲速若祭用五鼎三牲墓招親友弔奠并延僧超薦均屬虛文無益非所當務寢疾數月而卒嗚呼痛哉不孝兄弟追念音容摧肝泣血是以言無倫次掛一漏萬姑撮大略含淚跪錄如前而繫生卒年月醜嗣次系於左府君生於明崇禎十三年庚辰七月二十一日丑時卒於國朝康熙五十一年壬辰十一月初三日丑時享年七十有三原配荆氏 敕封孺人丹陽廩例太學生贈文林郎江西峽

江知縣邇菴公諱廷聘女康熙丙辰歲貢原任江西峽江
知縣季超公諱子邁胞妹康熙己未進士諱孝錫公嫡姑
孺人生於明崇禎十四年辛巳正月十五日丑時卒於
國朝康熙四十九年庚寅十二月二十七日子時享年七
十男三人長嫡出卽不孝繩生太學生娶吳氏康熙戊午
歲貢現任宿遷儒學訓導木魯公諱有恆女康熙辛卯舉
人候補內閣中書諱雲客公胞妹餘庶出次緝生娶吳氏
太學生竹蒼公諱守震女緝生賚志早世三綿生太學生
娶吳氏康熙丁巳同榜舉人墨濤公諱有斐女女七人嫡

出者三長適邑庠生吳垣卽墨濤公長子次適太學生王
惠順治戊子舉人石舫公諱昕孫郡庠生朴菴公諱宗柱
子三適董子亶贈文林郎浙江鄞縣知縣臣晏公諱重潤
孫江邑庠生勉菴公諱太雄子餘庶出四適楊方煒奇玉
公諱琦子五適太學生薛逢原康熙辛酉舉人現任全椒
儒學教諭素菴公諱景瑄子六適金玉衡仁甫公諱溥子
七適張驥生順治壬辰會元雲方公諱星瑞孫太學生鳧
銑公諱祖鏞子孫男七人繩出者三長孫鍾禹聘周氏太
學生候補州同知克憲公諱邦翰女次鍾漢鍾弁俱幼未

聘緝出者二鍾成聘董氏卽姑丈常令公諱子亶女鍾梁
幼未聘綿出者二鍾俊鍾茂俱幼未聘孫女三人繩緝綿
各出一俱幼未字先妣荆孺人先於康熙五十年辛卯二
月朔庚申日申時安葬於練塘橋新阡之主穴癸丁向兼
子午今以康熙五十二年癸巳正月二十有四日壬寅旦
未時奉府君之柩啟孺人之兆而合葬焉伏惟當代大人
先生垂念先府君之嘉言懿行鬱而未伸不吝巨筆錫以
鴻章用光泉壤則不孝等啣勒宏慈不朽矣不孝兄弟不
勝泣血哀籲之至

男繩生謹述

萬章氏汝泉娶明不孝等職傳法慈不所矣不孝只敢不
 至德德念汝泉等志願百端而朱冊不容耳筆驗以
 未却奉和信之即類歸入之表而合整器於辦當升大太
 子等今以類歸其十二筆發曰五具二十首四日壬寅且
 具備與申日申初安整於縣謝謝游刊之主穴癸丁向兼
 各出一具與未字表謝惟德夫夫於於謝照正壬辛辛庚三
 燈未與歸出皆三驗對驗效具與未類將文三人歸德歸
 即歸出皆三驗效對驗效具與未類將合及前壬癸文歸業

顯考居易府君行述

嗚呼痛哉不孝等自此無父矣不孝兄弟罪孽深重生不能養死不能送就死何言但府君一生言行竟不著述萬一則罪戾滋甚伏陳梗概祈當代大人先生錫之傳誌則不孝兄弟生死感矣我憚氏自漢以來歷五十九傳至少南公諱紹芳嘉靖丁未進士歷官福建左參議累贈通議大夫湖廣按察司使於府君爲高高祖少南公季子繹思公諱應雨大學生封行人累贈通議大夫湖廣按察司使於府君爲高王父繹思公長子撫原公諱厥初萬曆甲辰

進士歷官陝西布政司使光祿寺正卿於府君爲曾王父
撫原公長子生于公諱翹明郡庠生大國朝敕贈徵仕郎
內閣中書舍人於府君爲王父生于公季子恕行公諱華
康熙丁巳舉人敬丁未歲士風官麻於府君爲王父生于公季子恕行公諱華
敕授徵仕郎內閣中書舍人則府君父也府君母荆氏
敕封孺人丹陽廩例太學生贈文林郎江西峽江縣知縣
邇菴公諱廷聘女恕行公生三子府君居長荆孺人嫡出
也府君諱繩生字蜚聲號居易自幼誠篤不苟言笑服食
甘澹泊上侍王父母曲爲承順和婉中謹恪備至素爲王

父母所鍾契丙午娶吾母吳孺人刑于孝友同心養志大
父母常喜慰曰吾與汝得此子足矣己丑濬河府君恐大
父憂不以聞私鬻已產以償庚寅十二月二十三日大母
忽召府君曰吾擇於二十七日歸矣爾無念府君聞言血
淚迸流日夜焚香禱祝願以身代屆期異香滿室倏然長
逝府君孺人一慟幾絕哀毀逾禮稍間卽依依大父前多
方慰藉退卽相對悲咽而孺人正大病之後哭泣過度遂
至不起辛卯七月十九日卯時奄然而逝時不孝鍾禹年
十三喬年十歲嵩七歲妹六歲或以撫養艱難勸府君再

娶府君力辭痛切言之赭形於色以父兼母者十餘年而不孝等始得成人更十年而俾有家室劬勞如此而今不孝等不得盡一日之養尙可爲人乎尙可爲子乎初府君與鐵船公並繼長房長房負債不下千金王大父不忍以祖宗遺業變賣抵償因畱其產而償其債及後有爲異議者府君曰吾母所出惟余一人長房有鐵船公足矣卽以所畱之產拱手讓之作文告祀而歸淡如也壬辰春大父命以所餘產分析宗族公親皆執嫡庶之說府君曰兄弟一耳何分嫡庶將田宅三分均分又因次房孤寡於已受

分產內撥付二十畝自後次房不幸連遭災害府君周旋其間不避艱險其撫孤卹寡大類如此是冬大父棄世府君哀痛既絕復甦三日勺水不進悲痛慘怛終喪如一日焉自後凡遇大父母忌辰面有慘容服孝一日不出戶不會客如是者終身不變府君受田不過七十餘畝費用不支然必延師訓子時割田產以爲脩脯之資嘗語不孝等曰吾教汝識義理能文章卽是家業田產吾不吝也甚至田產已盡饗殮不繼猶必令不孝等負笈從師未嘗稍倦計不孝等事虎若翁劉夫子十一年事伯父惺齋公三年

兩夫子嘗稱道府君交誼肫篤歷久不衰知交者咸目爲古處云高曾祖祭田百畝因經理不得其人漸至荒廢族中咸推府君府君曰祖宗之事宜任怨勞何諉焉經理數十年復田產修墳屋百廢具興昔祖塋有豨患歷數十年不治府君寢食不安廬墓一月豨患始平辛丑歲不孝鍾禹倖列鬻宮喬年嵩亦相繼遊庠府君曰汝曹皆獲寸進克繼書香吾可告無罪於祖宗矣然無自足也勉之癸丑妹有甥當就塾以此託辭欲致府君而奉養焉不孝等力辭妹再三固請府君曰汝妹孝思肫篤不必過卻吾在妹

處與在家一也孰料府君竟不一見不孝兄弟而歿於妹
氏耶歿之日莊妹丈入應縣試不孝兄弟請府君安曰安
甚夜半而凶信至不孝等弗信也驚問使者使者曰下午
後方進點呼茶茶至額上汗纍纍如貫珠右手按几左手
拂其鬚端坐卽瞑嗚呼豈所謂尸解坐脫者耶天何遽奪
吾父之速也不孝等踉蹌奔赴見府君顏色如生音容宛
在而呼之已不應矣嗚呼痛哉不孝等生不能奉養死不
能含飯終天抱恨萬死何辭所以苟延旦夕者以府君一
生言行未經著述也含淚跪錄掛一漏萬并係生卒年月

配嗣次於左府君生於康熙十七年戊午二月二十三日
亥時卒於雍正十二年甲寅七月十一日酉時享年五十
有七配吳孺人康熙戊午歲進士宿遷縣儒學訓導木魯
公諱有恆女孺人孝謹節儉壺德懿範已具鼓盆草中不
孝等不敢另爲狀府君孺人生三男長卽不孝鍾禹邑廩
生娶周氏太學生候補州同知克憲公諱邦翰女次喬年
邑庠生娶莫氏太學生考授州同知心莪公諱京女次嵩
邑增生娶吳氏太學生宗封公諱壇女女一適莊維杰太
學生錫商公諱濬子孫男五若曾與曾不孝鍾禹出未聘

儼曾不孝喬年出聘金氏授裴公諱鉞女景曾希曾不孝
嵩出未聘孫女一禹出未字先妣吳孺人先於康熙辛卯
年十月二十九日安厝於練塘橋先塋首昭穴壬丙向兼
子午今卜吉於乙卯新正六日奉府君之柩啟孺人之兆
而安葬焉伏惟當代大人先生不吝簡牘錫以鴻章用光
泉壤則不孝等銜勒宏慈不朽矣不孝兄弟不勝泣血哀
籲之至

血嗣焉方公之幼也家故世業備而君男鍾禹謹述

不義承祖志下帷攻苦寒暑無間蓋翩翩弱冠而巳學有

先大父貞伯公行述

先大父諱嘉徵字貞伯武進仁孝西鄉人也始祖居孟河發源西漢諱貞道字子冬爲梁王左相自子冬公五十五世始遷蕩里爲東林公諱敷東林公又八傳而及公公祖諱士侃字勵吾祖母孺人呂氏父諱爾敬字君簡母孺人張氏公元配孺人巢氏繼配孺人陳氏子四長象觀次象益巢出又次象泰象晉陳出胞弟長發公乏嗣以次子象益嗣焉方公之幼也家故世業儒而君簡公課子尤篤公亦善承親志下帷攻苦寒暑無間蓋翩翩弱冠而已羣有

脫穎之日矣亡何年甫授室卽熒熒失怙家累漸重兼之
諸從父從兄弟皆業儒莫諳世務者一切冗事成萃於公
公於是喟然嘆曰鹽米瑣屑最足亂心吾不能復事帖括
矣不若出吾身支持門戶庶幾諸父兄弟猶可安心肄業
也由是入則課農桑出則應外事正已率物和恕待人而
一時老成練達之材遂著聲宗族鄉黨間嘗歲饑國家發
帑賑濟例鄉舉一人以董其事公時與焉會同事有侵蝕
者飛語達大僚連及公名大僚微行廉訪知公謹厚士也
以故得釋而同事者俱被切責獨公無譴訶且多溫獎語

時口碑咸折服云地有安甯河西通孟瀆延亘數里禾苗
資灌溉者不下數千畝積久淤廢時苦旱潦公勸兩岸居
民度地計畝濬復故道時初舉事人咸以興役爲難公曰
事在人爲耳天施地生其益無方奈何坐使受困乎於是
櫛風沐雨勸勤勉惰匝月而工告竣迄今青疇綠野阡陌
間猶時聞頌公德焉又嘗遇蝗災世俗以爲神也咸劇戲
祀之公曰吾鄉貧瘠被災已良苦何復以此耗多金爲且
秉畀炎火古農政也獨不可倣而行乎乃與鄉人約蝗所
到捕治撲滅爾時飛蝗蔽天而公振臂一呼男女老幼雲

集景從聲徹原野既而他方俱被災特甚而公所驅之境
獨不爲災公之任事類如此故一鄉咸推服焉而公歆然
不自居也曰人生自有真實學問在吾豈欲以任俠名乎
唯循循焉益敦忠厚長者之實外則不爲崖岸和睦鄉鄰
內則自飭倫常力行孝弟而以讀書務本諳諳爲子弟訓
其供子職也痛嚴親早棄世奉太孺人張氏色養備至先
意承志凡有所需竭力措辦苟家人有觸怒慈顏者必切
責復婉轉求悅而後已也其敦友愛也與胞弟長發公終
身無間言雖析產後彼此有亡貲財勿計也更撫及從弟

再從姪俱爲之綜理劇務一時咸仰賴焉其課子讀書也
雖外事應酬倥偬稍閒暇卽嚴督課程而延師家塾必忠
且敬也自公任家計後卽不復與試事然猶授徒設帳終
其身焉手錄甚富至今墨跡宛然人謂公旣無意功名何
復事此公曰吾一日廢學恐後來子孫卽有相習成惰者
庶幾延此一脈以示筆耕舌種固吾家世業不亦可乎嗚
呼觀公之志大約敦人倫重儒術而處世才能又其餘也
假令天假耄期母論行仁處義古道照人歸然爲鄉閭表
率卽其嚴飭家訓勤勤誦讀俾一門之內益敦孝友家風

詎不幸甚願乃年方半百中道棄捐爾時諸父長者未成立幼者在襁褓而諸孫輩更未及仰瞻顏色豈不痛哉然厥後諸父皆好讀書恂恂謹飭而再傳及余小子諸兄弟秀者攻詩書朴者守先業安在非大父之有以陰佑而默啟之耶振遺緒而光大之是子孫之責矣凡爲公後者勉乎哉

孫作賓謹述

先大父勿齋府君行述

大父諱某字廣侯號勿齋陽湖縣增廣生員先曾祖居易
府君太學生曾祖妣吳太君系出薛墅里高外祖諱有恒
曾祖妣年三十六以瘵卒時大父方十歲伯祖十有三歲
叔祖七歲祖姑四歲曾祖以父兼母劬勞倍至時家已中
落猶竭力延師每饋束修恒鬻產以納從學於劉先生之
門十年歲十有七師族父德柄每課少所許可亦不易一
字至八月頓悟豁然開朗蓋終身進境實自此始也二十
二授徒館於舅氏二十三配祖母莫太君二十四析爨受

田十畝偕伯祖並事曾祖二十七叔祖澄齋補博士弟子
先是伯祖已早進學而大父猶應童子試益發憤讀書年
二十九以縣試冠其曹得入泮時督學使者爲廷璐張先
生所得士皆登宰輔劉文定程文恭其最著者也三十一
省試以疾作不果三十三甲寅曾大父暴卒於坂上莊氏
莊祖姑丈也先是祖姑延曾祖課外孫曾祖素健無恙是
年秋七月邑試祖姑丈於月之十日應試大父迎問曰家
君安否曰安遂宿祖姑丈於家夜將半忽叩門急甚且叩
且哭急啟扉則伯祖及莊氏之訃者也頓足大哭曰父死

矣大父大駭詢訃者則曰今日申刻事也且語且哭一時
語聲哭聲滿室嘈雜幾不能辨大父事起倉猝手足無措
平明遣祖母暨兩從祖母先往已乃治樽及歛服往翼日
夜半歛越二十一日歸葬曾大父稍有負葬畢而索者至
大父暨兩從祖謂之曰所負必償祈稍緩至歲暮必有以
報命當是時家徒四壁立而所受田產皆前後廢於是持
券詣受田者增其直凡錢布粟菽蘆葦之屬悉收之以償
所負者事稍定除夕懸像哭奠畢昆季圍爐飯脫粟相顧
而言曰夙逋已清雖死無憾矣言甫畢聞剝啄聲啟之則

舅氏僕也曰奉主人命先姑爺曾貸金六兩故遣僕來取
大父等愴然謂曰誠有之以至戚故稍後今見索當卽輸
新正六日如數納也乃盡括所有以質錢如其期以獻三
十四病伏梁乃習吐納法旋愈三十六館楊氏父子北面
厯年二十有三三十七戊午科應試自後爲辛酉甲子丁
卯庚午凡五試白下皆不遇遂絕意仕進而歲科試輒高
等限於額不得食餼爲增廣生三十九徙居四十四董埋
高高祖明資政大夫撫原府君祠墓事語具劉文定集中
年五十將爲曾祖建祠先捐田十畝收其息以待五十四

叔祖卒於京師五十八季父揆曾以察卒年六十捐受分
之屋改建曾祖寢室有碑記是年冬叔母吳來歸守節蓋
季父聘而未娶聞叔既殞而守從一之義者也六十一析
箸置墓田豐北鄉改建所居爲凝遠堂有劉文定題額歲
丙戌年六十五劉文定觴客於此蓋筵昔年之同進學者
也歲丁亥年六十六課孫歲辛卯年七十祖母莫太君卒
季冬塋大父性嚴厲凡見之者如負霜欲進言皆訥然如
不出諸口又以未獲侍曾祖疾故刻自節損身後遺誠務
從薄蓋以誌隱痛也乾隆四十年八月二日卒壽七十有

四 是年季冬 葬豐北鄉之兆 啟祖母莫太儒人之殯而合
葬焉 子二 長府君諱某 太學生 配先妣金氏 鳳光里太學
生諱鉞 長女次揆 曾早卒 聘吳氏 守節待旌 孫二 蘭枝 嘉
慶己巳 恩貢 生在寬陽邑廩 生蘭枝 幼侍大父側 所得聞
者 百不及一二 敢述其梗概 祈當代立言君子 錫之傳誌
以垂不朽 則世世子孫 永感無既

孫蘭枝謹述

祖卒於京師 年十八 季父得曾 以 孫蘭枝 謹述

山東范縣知縣先考偉堂府君行述
府君諱鵬字鵬起號偉堂系出漢梁王相子冬後世居武
進之孝西鄉越五十七世諱源號秋江始居蕩里是爲府
君之分祖也又越六世至君和府君諱重禮爲府君曾祖
克諧府君諱豫徵爲府君之祖懋齋府君諱松爲府君之
考卽不孝之先大父也先大父生二子長卽府君次季父
躍滄府君少力學屢應郡縣試不售先大父欲令改業府
君益自奮赴京師僦數椽以居日夕攻苦與同邑管蘊山
先生及家星階輩相切礪文益工中乾隆甲午舉人甲辰

進士時 和碩睿親王視府君樸誠擬以主事保奏而故
大學士和珅握政柄士多出其門府君曰受官公朝拜恩
私門吾不爲也尋報罷考授覺羅官學教習期滿引
見以知縣用選授山東霑化縣知縣先大父詔之曰以寬
撫民以嚴察吏以勤補拙以儉養廉居官之道如治家耳
府君奉命惟謹霑化地瘠民貧得是縣者多不樂居不數
年輒營調他邑視其地猶傳舍事多廢弛府君至修學校
勸農桑案無畱牘吏不得貪緣爲奸請謁苞苴概屏不行
間因事下鄉策蹇從一二人懷市餅數枚啖之民不知府

君之至也命案必親自檢驗不假手忤作伏暑中穢氣薰
人雖吏役不堪府君不少懈縣有游惰及不循禮法者必
諄諄勸諭之不改而後懲之饑歲府君捐資賑濟務令得
所虧累數千金不恤也上游以府君賢調補汶上尋又委
署平度州事一如所以治霑邑者去之日父老持壺漿炷
香夾道而送者不絕乾隆己酉壬子兩充本省鄉試同考
官均以得士稱有掇巍科登顯仕者乾隆乙卯丁先大父
憂府君哀毀如禮邑以糧戶輪充鄉保任糧長之責賠累
頗多惟紳衿獲免一日府君以事至縣庭縣令唐公識府

君名驚曰君以進士起家何乃爲此役吾當爲君除之府
君曰此某分也且里中孰非親戚故舊某獨免而重以累
人不敢也力辭之服闋補授范縣府君素有咯血症歲壬
戌范邑被水災公私交困府君竭蹶襄事賑未畢而疾益
劇因乞長假以交代未楚未克旋里詎於嘉慶乙丑疾終
東省嗚呼痛哉府君事先大父母甚孝乾隆辛卯會開濬
孟河先大父分濬河口數十丈遇泛沙隨開隨漲墳起如
故先大父憂形於色府君自館歸思之達旦謀諸先妣薛
孺人質簪珥得七十餘金詣工所益募傭工鼓力開濬半

日而畢隨買瓦缶百餘覆埋河底卽時開壩缶陷沙中沙
不復墳得以蕝事嘗預爲先大父母治櫬木工飲食必親
設之躬爲僕隸之事蓋惟恐一毫不慎致抱恨於終天也
待季父無彼此訓猶子暨不孝等甚嚴不少假借居鄉芒
鞋布衣不預外事惟以敦本善俗造就族子爲已任先大
母七十誕辰府君以百金爲壽大母曰吾無須此遂捐入
祠中里中有演淫劇及博奕者府君糾鄉老禁絕之嘗謂
不孝等曰石橋灣典房一所吾族故產也吾欲贖回改造
家塾以教族人並招集四方能文之士爲族人師友孰知

志未竟而遂長逝耶嗚呼痛哉府君歷任霑化齊東范縣
知縣署樂陵汶上縣事題署平度州事
敕授文林郎配先妣薛孺人同邑太學生薛文峻公女
敕授孺人先大父懋齋公
敕封文林郎大母葉太孺人
敕封太孺人府君生於乾隆乙丑五月初五日午時卒於
嘉慶乙丑正月十二日戌時享年六十一歲葬於蒲溝祖
塋穆穴先孺人生於乾隆甲子十二月二十八日吉時卒
於嘉慶甲戌十二月初十日亥時享年七十一歲卽於是

月十五日合葬於先府君之兆子四人長璋早卒次瑜娶
薛氏近仁公女先府君七年卒以珩子元吉爲嗣次卽不
孝珩太學生娶吳氏陽湖縣崇祠名宦鄉賢崑麓公裔女
孫松岩公女俱先妣薛孺人出次璋庶母陳氏出娶許氏
太學生旭高公女女一適呂城姜沅青年守志苦節待旌
孫一元吉娶姜氏丹陽縣太學生錦尙公女孫女四長適
奔牛符漢昇守節待旌次適太學生薛耀安次未字次適
姜渭起俱不孝珩出曾孫女二人尙幼不孝珩不克負荷
用繼先業於不墜又復舉先人之行誼而泯滅之其何以

自立於世爰謹揮淚和墨叙次如左惟望當代大人先生
 憫其惇獨賜之傳文俾先君子克傳於後不孝等世世子
 孫感且不朽

大學生馮廣公文文一獻呂妣美刑齊平守志苦節持節
 大學生馮廣公文文一獻呂妣美刑齊平守志苦節持節

大學生馮廣公文文一獻呂妣美刑齊平守志苦節持節

大學生馮廣公文文一獻呂妣美刑齊平守志苦節持節

大學生馮廣公文文一獻呂妣美刑齊平守志苦節持節

大學生馮廣公文文一獻呂妣美刑齊平守志苦節持節

大學生馮廣公文文一獻呂妣美刑齊平守志苦節持節

大學生馮廣公文文一獻呂妣美刑齊平守志苦節持節

族父筠宅翁行述

翁諱朝樞字君值號筠宅兄弟三人翁其次也年十八兩
尊人相繼沒翁竭力盡禮伯兄朝柄嗣伯綸賢弟朝標僅
十一歲翁卵翼之終其身翁勤儉善持籌家日裕而伯氏
家日落其亡也寡嫂孤姪幾無以自存翁慨然曰吾之責
也乃爲姪納婦并膳寡嫂以終其天年久之業益饒遂以
貲甲于鄉乾隆乙巳歲大飢當發賑舉翁爲鄉董事翁倡
捐并勸里中有力者事已竣邑侯潘上其事於廷大僚給
匾額以獎之庚申秋有故人子吳某忽夢其父謂曰吾曾

貸憚某金宜償之某如數以償翁檢故券已亡之矣乃謂曰事已無徵吾不可取卒卻之嘉慶壬戌春議建本分祖祠掘地得古塚翁惻然急具椁改葬丁卯歲又饑其協贊鄉賑一如乙巳凡族黨貧乏者每爲飲助至老不倦配莊孺人龜勉同德嘗勸其輕息已債翁亦能用其言亦足見其內助矣翁生於乾隆五年十一月十五日卒於嘉慶十九年五月初二日壽七十五歲莊孺人生於乾隆三年八月二十二日卒於嘉慶十年七月二十二日壽六十八歲子二榮仁太學生配周氏榮義配張氏嗣叔朝標女一徐

仁全其壻也孫男五人聘儒聘何氏卓儒未聘藻太學生
配徐氏芑配周氏繼配褚氏簡配徐氏孫女二莊良庚莊
繼壽其孫壻也曾孫三人士銓士華士謨人凡富而無學
即心鄙之其貧而能讀書者必改容以姪熊謹述士大

人多與之交有黃氏者以事危公賴薦紳救之得免配黃
君有足疾性和順公待之如賓後太君以暴疾卒公隱
終身不娶以吾父全溪府君剛訓子姪曰富貴在天不
能改當隨遇而安禮體教不可失故子孫雖感經書不
不讀也其奉祭祀必躬必親常怡然懷不及遇事之感

大父士茂公行述

公諱某字士茂曾祖廷衛府君之第三子也幼嗣叔廷臣後公性正直介然有節概性好儒尊禮士人凡富而無學者卽心鄙之其貧而能讀書者必改容以致敬一時士大夫多與之交有黃氏者以事危公賴薦紳救之得免配黃太君有足疾性和順公待之如賓後太君以暴疾卒公隱痛終身不娶以吾父全溪府君嗣訓子姪曰富貴在天不可倖致當隨遇而安惟禮教不可失故子孫雖愚經書不可不讀也其奉祭祀必躬必親常愴然懷不及逮事之感

雖至暮年亦如一日也大父以雍正壬子五月十二日生
 嘉慶丁巳正月十三日卒壽六十有六配大母黃氏子不
 某卽府君也孫男四人景敏景序景隆景華敏愧不文謹
 舉所及見者著於篇公孫之收資於太母以暴寒卒公劉

大參與之交育黃刃香以事就公陳說孫景敏謹述

百明心滿之其貧而詣簡舊香必如容以楚楚一御士大
 公勤某字士英曾斷我滿祖昏之策三千出此國身

大父士英公行狀

本生大父士兼府君暨宋孺人行述

公諱某字士兼后溪公之八世孫也曾祖曰廷衛府君有
丈夫子三長早卒次即大父當孩提時舅氏吳以金試公
公揮之不顧舅氏心器重之後家落寄食於宜邑儲氏儲
氏欲子之語公曰吾家有萬金子與吾姪各得其半可乎
公曰長者加愛甚善雖然吾兄早世吾弟已爲叔後承吾
父後者惟吾一身義不敢當長者之賜儲氏不能強久之
乃歸凡衣服財寶一無所受既歸而儲氏復申前說而大
父涕泣謝之乃已事曾大父以孝聞又好爲義舉嘗偕族

人建上店始遷祖祠至暮年家漸饒足得給衣食矣配大母宋太君初外曾祖宋知大父賢卽以大母配大母之母以大父家業微與外曾祖有違言大母時未笄婉語解之且曰天實爲之而又何尤是吾命也外曾王母意亦釋于歸之後窮巷敝廬不蔽風雨而大母處之晏如也克勤克儉黽勉同心敬事吾大父待宗戚睦鄉里內外無間十餘年家稍潤遂爲先人謀窳窳之地大母叔善青鳥家言大母竭誠懇之宋君曰爲善無不報有志者事竟成吾當爲俾氏擇吉壤旣得吉卜乃遷曾大父曾大母之柩而合葬

焉是日也朔風甚及葬天轉和宋君曰憚家之隆其兆見矣其明年生世父某越數年生姑生二伯父某最後生吾父大母皆躬撫之威愛兼至大母喜施與有告急者必周之有假粟者不取其息并有子母俱不取者常曰吾始貧困深知不足者之苦吾雖未嘗乞假於人然苟有通緩急者未嘗不心感其德也嗟夫言至此可心惻已大父以康熙壬寅正月生以乾隆丁未五月卒大母以雍正癸丑六月生以嘉慶戊辰八月卒子三孫男八孫女五以某年某月葬於某原景肇愧不文未能道揚先德敢述其梗概以

俟立言之君子

且坐以慕其文氣以具卒年三得與入孫景肇謹述至某

無在實重其坐以諒則丁未正其卒夫其以歲五癸丑六

春未嘗不心歎其辭以勉夫言至出何心附日大父以逮

因氣味不強者之苦甚難未嘗之知然人然得首嚴難論

之骨身稟者不取其息并存于身身不取骨節日吾故於

父大母皆得無之慮恐難至大母壽祇與存告急者當歸

莫其期乎坐對父某欲燬畢坐故坐三自笑其果終坐至

其果也其果也其果也其果也其果也其果也其果也其果也

惲子居先生行狀

吳德旋

先生姓惲氏諱敬字子居一字簡堂世居武進縣之石橋灣祖諱士璜考諱輪兩世並以先生貴
贈封文林郎母鄭孺人先生幼學於父少長從舅氏鄭環夢楊遊然持論好獨出已見長老皆驚異焉中式乾隆四十八年癸卯科本省舉人五十二年充咸安宮官學教習時同州莊述祖珍藝莊獻可大久張惠言皋文海鹽陳石麟子穆桐城王灼悔生先後集京師先生與之爲友商榷經義古文而尤所愛重者皋文也五十

五年教習期滿引見以知縣用五十九年選授浙江富陽縣知縣皋文爲序以送其行其畧曰夫爲令之道六經孔孟之所述皆子居向時之所道也以子居爲之其不可以至耶曰吾不爲彼之所爲而已豈子居向時之所道耶君子出其言則思實其行思其行則務固其志固志莫如持情實行莫如取善子居勉之矣先生曰善敬敢不求從良友之規旣至富陽銳欲以能自効矯然不肯隨羣輩俯仰大吏憚其風節欲裁抑之令督解黔餉先生曰王事也怡然就道返自黔中調知江山縣父喪去官時嘉慶元年十

一月也四年服闋入都謁選明年四月選授山東平陰縣知縣引見改授江西新喻新喻吏士素橫貌視官長輕朝廷法先生至痛懲創之人疑先生之爲治過猛也已乃進其士之秀異者與之講論文藝斷事不收聲必旣其實士民懷德畏威翕然大變於其舊七年張皋文歿於京師先生聞之慨然曰古文自元明以來漸失其傳吾向所以不多作古文者有皋文在也今皋文死吾當并力爲之先是皋文與今禮部侍郎蕭山湯公金釗講宋儒之學是時先生方究心於黃宗羲明儒學案有所見輒筆記之未及與

皋文辯論往復也及皋文卒先生爲書與侍郎其畧曰濂
洛關閩之說至明而變至

本朝康熙間而復其變也多歧其復也多仍多歧之說足
以眩惑天下之耳目姚江諸儒是也多仍之說足以束縛
天下之耳目平湖諸儒是也二者如揭竿於市以奔走天
下之人故自乾隆以來多愍置之愍置之者非也揭竿於
市者亦非也且如彼此之相詈前後之相搏益非也夫所
謂濂洛關閩者其是耶其揆之聖人猶有非是者耶其變
之仍之者是非其孰多耶知其是非矣何以行其是去其

非耶蓋先生嘗自言其學非漢非宋不主故常故其說經
之文能發前人所未發而世之論先生之文者乃以爲善
於紀述而說經非所長焉十年調知瑞金縣瑞金在萬山
中俗好訟鬪素稱難治先生張弛合宜吏民咸就約束有
所論決問法何如不可干以非義瑞金諸生楊儀招倚富
姦逼佃戶女事發到官願進千金求脫罪先生峻拒之後
屢邀人關說至以萬金相啗先生曰吾自作令以來苞苴
未嘗至門今乃有此豈吾有遺行耶卒論如律先生廉名
素著至是人益信之十五年大吏以先生治行第一保舉

卓異十一月至京師明年三月引見回任候陞是歲刻大雲山房文稿成又明年守南昌府見回任候陞是歲刻大雲山房文稿成又明年守南昌府吳城同知十九年以奸民誣告家人得贓失察被劾黜官先生爲人負氣矜尙名節所至輒與上官忤上官以其才高每優容之而忌者或銜之次骨及誣告事起當是時前撫刑部尙書金公光悌薨於位今兩廣總督阮公元自河南調撫江西未至布政使方護理巡撫印務喟曰惲子居大賢乃今以賄敗先生旣擯不見用士大夫之賢者咸爲先生惜且寃之而先生不以介意益務爲文自壯初先生

之再謁選也石橋灣故居已奉其先府君遺命讓兩從父
居之自挈兩弟奉鄭孺人之官至是假館所親無甯居屬
有門下士官安慶知府試往謀之道遇疾歸歸寢十日而
卒先生生於乾隆二十二年丁丑二月初一日卒於嘉慶
二十二年丁丑八月二十三日春秋六十有一配孺人陳
氏繼配高氏子一人弟之子穀也嘗從子遊女七人長適
歸安姚晏餘皆未行孫二人尙幼先生既卒之三月余始
從穀求遺書得大雲山房文稿都若干卷外集及詩詞各
若干卷歷代衣冠圖說未成其治獄別有子居決事四卷

先生之治古文得力於韓非李斯與蘇明允相上下近法家言叙事似班孟堅陳承祚而先生自稱其文自司馬子長而下無北面先生所欲有爲於天下者具見文集中以在下位不獲有所施設然後之人讀其書足以知其志之所存也先生於陰陽名法儒墨道德之書旣無所不讀又兼通禪理以爲心之故惟聖賢能知之而言之佛與學佛者亦能知之而言之大學正心修身章與金剛經應無所住而生其心句相合故嘗謂余云論學貴正而不執然不可雜雜則不正矣蓋其所自得者如此穀以所述先生年

譜示余余病其未備也乃更參以所聞見及先生文集爲
狀如右謹狀

又與號我同從祖可齊公長子從兄高羣之
父而變之再從父也憶變之六七歲時儲高羣就學從師
情意款洽友愛如同父並不知爲從昆弟也及長而見從
父之於府君出入與俱吉國同患肺癆之通一如同懷而
後恍然於吾輩之兄兄弟第一堂之上相見怡怡者其來
有自夫然而叔之爲叔益令人穆然神遠矣叔一生與人
無憾尤爲大倫才雖不逮從祖可齊公而融覆竟爲則與
無憾所生其從祖有事訟於世邑不能理於世邑

再從父我岡公行述

公諱學洵字又泉號我岡從祖可齋公長子從兄高羣之
父而變之再從父也憶變之六七歲時偕高羣就學從師
情意款洽友愛如同父並不知爲從昆弟也及長而見從
父之於府君出入與俱吉凶同患肺腑之通一如同懷而
後恍然於吾輩之兄兄弟弟一堂之上相見怡怡者其來
有自夫然而叔之爲叔益令人穆然神遠矣叔一生與人
無競尤篤天倫才雖不逮從祖可齋公而融和寬裕則真
無忝所生矣從祖有事訟於邑邑不能理訟於郡郡亦不

能理乃陳於臬又不能卽平其曲直而行纏跋涉費及千金從祖悶然不釋而叔父善爲調護終得平反其所運籌適與從祖所默計者吻合亦可謂先意承志者矣叔母趙夫人語言不苟聰慧絕人相夫子以德從祖母陸太夫人性嚴峻趙夫人伺色承顏委婉中曲折備至吾叔雖稱克家子亦間有不慊父心叔母乘間進以一言無不冰釋變束髮受書與高羣互相砥礪十有餘年爾時變固貧叔亦未爲甚裕而有無相通始終不倦變之得以成立皆吾從父之力也乃大德未酬寸心莫展而叔竟忽焉長逝矣叔

視余猶子余未得視叔如父變之抱愧其有窮耶叔生於
康熙五十九年六月初五日卒於乾隆四十七年六月初
七日享年六十有三原配趙氏生長兄高羣妹三長適東
戴鄒商玉次適謝莊路福海三適東戴鄒桂復繼配朱氏
生弟三冠羣冠英冠玉妹一幼未字長兄高羣有子三長
德如次怡如三翼如有女二長適禮巷鄭再興次字梅村
李鴻儒噫嘻吾叔之性情德器廓乎無垠豈能窺其萬一
而吾叔之潛德幽光隱然未曜余小子不忍沒其生平爰
灑淚而述其畧

姪燮謹述

無符殊心符馬標我歸然未關余小午不怒對其出平發
 李馬需需需需殊之對需需需需年無球豈能換其萬世
 辦收尖銷收三真收皆文仁身既既甚機再興寒字辦林
 出策三預奉級英級正救一限未字身只高奉待年三身
 無撥商正水敵備款約歸歸三敵東漢機封身歸歸宋父
 可日享爭六十百三風加鐵因出身只高奉級三身敵東
 和烈正計水平六月勝正日卒勉滿到四十月平六月勝
 和余備于余未於願願願父變之心謝其符願願對至然

顯考海門府君行述

嗚呼吾府君敬先篤後殫精勞神數十年未嘗少懈竟不獲受不孝等一日之養而奄然長逝耶嗚呼痛哉府君之逝距不孝等聞訃之日已四越月矣始之若何遘疾若何床褥輾轉若何湯藥缺供不孝等莫之知也繼之若何彌留懸望若何遺言待囑含殮是否如禮衾棺是否誠信不孝等有目而不能見有耳而不能聞也天平不孝等之罪此生莫可追矣尙復何言顧惟府君之行事不彰則不孝等之罪戾滋甚故不揣荒迷瀝血和墨而敬述之以俟大

人先生採而錄焉府君諱學潮字觀瀾一字海門始祖貞道公諱子冬仕漢爲梁王相卒葬毘陵巴斗山漢司徒伏恭銘其墓子孫遂居墓南族自宋南渡後分南北支南支祖曰繼恩遷上店後又遷居郡中北支祖曰紹恩仍居孟河子孫又分而五曰昶旭暹昇晟旭則府君之分祖也自貞道公至紹恩公爲四十五世再十二傳至力新公諱木仕明封徵仕郎始居孟河城南二十里池上村六傳至府君之高祖君聘公君聘公傳啟乾公啟乾公次子舜宗公諱岱吉府君之祖也以曾孫不孝變仕例

馳贈奉直大夫配金氏例

馳贈宜人舜宗公長子清揚公諱鈞以孫不孝變仕

誥贈奉直大夫配薛氏

誥贈宜人清揚公子四長卽府君府君至性誠篤剛正不

阿日以光先緒敬宗黨爲切務少好學年十八失恃念家

無主持無以分大父憂遂辭師而歸越九年大父清揚公

又辭世家計漸落僅遺田二十畝耳府君乃與諸父摒擋

營葬一一如禮削其產殆盡曾大母時年八十餘府君奉

侍維謹吾母謝太宜人尤能先意承志諸父惟仲叔父已

娶姑二人俱在室府君乃與太宜人拮据卒瘁相繼行婚
嫁之禮金太宜人歿必誠必敬喪葬如制不孝燮就外傳
乃銳意命讀書雖家無擔石而膳師必極豐歲時致脯之
外儀埒之師以此益勵不孝而不孝亦時時感泣毋敢怠
歲乙亥不孝燮年十四病中夢構二帝殿未成惶遽而寤
以告府君府君曰吾志也地故有山福庵歲久將圯乃率
寺僧走烈日冒暑雨募而新之因庵之東爲殿以奉二帝
於是造惜字之爐啟角藝之舍集一鄉之文人設社於其
中時則百里內外老師宿儒及穎達之士皆相率而來名

其社日連茹齋會課每及期府君致敬盡禮纖悉必周始
丁丑迄壬午無月不會皆府君爲之主而不孝燮自就傳
以及應試府君寢食必偕未嘗片刻離迨不孝燮遊庠後
府君方承宗族議經理始祖祠乃呼小子而告之曰予之
爲汝計者庶幾矣將更爲祖宗計不能兼顧今而後宜自
檢點其益虛心友善毋忽燮敬諾乃更與同人申舊約相
砥礪焉嗚呼不孝燮所以能廣所見聞不敢自安譎陋者
皆府君尊師取友之力也府君雖貧而見義必爲族有窘
而鬻其幼女者亟倡捐金贖以歸擇良家子妻焉戚黨有

孤而貧者收養之長爲之室而後遣歲荒勸賑益力走問
一鄉貧口遍給惟恐或遺募施棺葬流殍濬河得胔骸納
以甕舁諸高阜而瘞之方其經理始祖祠也府君齋宿入
廟仰見榱桷翹然祔主失次慨然引爲已任始祖祠在孟
河城後子孫旣分南北支遂各立祠以祀其始遷祖故始
祖祠之歲時展拜者不過數人夫世遠則情易忘族繁則
勢易渙追遠之義不明春秋之修不舉非所以重一本垂
久遠也府君乃合族人於祠申明尊祖敬宗之旨舉公正
者五人司祠事歲量其租之入節冗費而會之以爲繕葺

計冬祭誠子姓宜與者期必至有爵者無少長得與焉于是族之人皆知以獲拜始祖祠爲榮矣嗣東向門則偏隘而南無以肅觀瞻門之外有進士樓明宏治進士按察司副使諱巍之舊址也欹側將不支府君議併修之風鑑家曰樓高尺許族當有興者乃易祠前之廡而崇起之以爲門與堂寢稱修進士樓高舊時尺許自壬午迄戊子中間樽節蓄聚者六年相度經營者一年而門與樓始成甚矣改剏之難也樓成族人扶鸞以占休咎府君祝曰族將有繼起乎則書三科二字甲午族叔祖名鵬族弟名與三及

不孝燮同捷北闈明年乙未不孝燮倖成進士距樓成時
已三科矣癸卯副使公之裔孫名敬捷南闈甲辰族叔祖
名鵬成進士距午未年亦三科也不孝燮備員樞曹丁酉
乞假歸省爲迎養計府君曰族有不可緩之事二吾未暇
就爾安食也族譜閱三十年未修其間逝者日遠生者日
繁爲人後者各思有以述其先莫爲輯之將久而就湮吾
族凡六十九傳子姓三千餘人愈衍愈疎非譜無以聯之
昭穆易淆非譜無以序之事之不可緩者一族之先出力
於始祖祠者十六人議以歿後入祔於祠所以酬其庸也

顧祠無偏寢進其主與始祖並禮不安祧之而十六人之
子孫抱憾情亦不順夫敬宗所以睦族吾將建兩廡奉之
庶先靈妥而族誼亦永協事之不可緩者三二事未竟吾
何暇安食耶遂不肯行顧其時祠無餘蓄而所費不貲人
咸難之府君則竭力倡謀取舊譜手自編葺由纂集付刊
以迄校讐手口並作獨任其勞五年而譜始成後二年乃
於祠寢前增建兩廡祔十六主於右又追從前出力於祠
者二十五人祔於左以明一體族人莫不心帖乾隆四十

五年恭遇

司衣攝之卒不終變以吳晴錄文何主事特錄

孝聖皇太后升祔之年不孝燮以兵部職方司主事得被
覃恩褒加再世欽此自聞一蠶效人莫不心神頓對四十
龍章下逮族黨增榮竊念自戊戌假滿回京心常懸切慮
無以資菽水府君手諭慰曰居官清苦乃第一好事吾食
貧久可毋慮其時府君雖年逾六旬而強毅如前私冀祖
眷方深頤養尙當有日迄丙午不孝燮揀發滇省便道歸
見府君日就衰因思告養府君不許曰爾身旣爲未嘗
朝廷所委遣宜速往但求稱職吾雖食藜藿何恨嗚呼府
君訓切義方初不以承順爲歡姑息爲愛而不孝等遠辭

膝下回憶少時青燈侍教寢食相依不可復得悽然輒不自禁府君慰而遣之無一毫繫戀形諸辭色戊申不孝松鶴由滇歸省來告云府君方在宗祠營建廡屋甚勞苦心益滋懼越明年宜良嚴生由禮闈歸滇云遇媼戚巢孝廉翰周道府君矍鑠勝前私心又竊喜孰意府君竟棄不孝等而長逝耶嗚呼痛哉不孝等負罪偷生孽深福薄苦由非地匍匐非時悠悠昊天曷其有極府君生於康熙庚子年正月二十七日亥時卒於乾隆壬子年正月二十日寅時享年七十有三

吾母撫宜人

誥封奉直大夫配吾母謝宜人

誥封宜人生子三長不孝燮乙未科進士由兵部職方司

主事保送以直隸州知州用揀發雲南借補劍川州知州

原娶同里蔣氏業儒名之濂公女國學生名煌公妹續娶

直隸天津縣馮氏歲貢生候選儒學訓導名裕公孫女名

永吉公女次不孝燦國學生先亡娶同邑吳氏業儒開基

公女次不孝松鶴業儒娶同里盛氏業儒大啟公女孫五

閭儒榮儒不孝燮原娶蔣氏出旭儒不孝燮續娶馮氏出

沛儒不孝燦出明儒不孝松鶴出閭儒聘直隸宛平縣曹

氏南河外河同知名恒公女榮儒聘同邑周氏雲南元江
州吏目名向宸公女旭儒聘同邑劉氏國學生名慎之公
孫女工部員外郎名青照公姪孫女國學生名某某公女
餘未聘孫女四長字同邑國學生徐名公期公次子餘未
字府君終老布衣無奇績偉行表見於世願惟巖穴之行
思附青雲篤學之儒願隨驥尾伏冀當代立言君子錫之
誌誄永勒貞珉府君賴以不朽不孝等世世子孫感且不
朽

男

松鶴

泣述

憚氏家乘卷十七
與行述交洛春
公行畧燕吳平
公諱燮字峯五號星階先祖海門公之長子也性敏而好學以十九歲遊庠乾隆癸巳遊京師甲午捷順天舉人乙未成進士宗欽點兵部職方司主事甲辰欽命武會試同考官在兵部十餘年凡軍旅之事無不了然也乾隆五十年揀發雲南以直隸州知州用五十二年到滇署鄧州借補劍川州知州督運粵銅因公賠累丁父憂迨服闋

值貴陽苗匪作亂奉制憲鄂公奏留雲南辦理軍務旋隨
貝子公平苗繼平滇疆猘逆特授景東直隸同知遵例引
見回任後未及半年又植貴州峒苗肆逆中堂琅公甫蒞
滇南知公素嫻兵事調辦軍需任以隨轅總理府事督攻
逆苗而苗寨高踞峻險急難攻破湖南鳳凰廳前任雲南
普洱府按坂井鹽大使富勳精于武事親練壯士三百名
號曰草帽兵登山陟險無異平陽凡逆匪強苗望風喪膽
與公至交密書調衆會帥兵前山攻入公率衆後山越險
而上先焚苗寨與帥兵夾攻苗盡殪制憲欲以公爲軍功

第一公請以功歸黔牧賞衆凱旋後又值麗江維西猓猓恒乍綑猖獗自號爲江東王公卽隨帥西征而維西之險不止山峨兼之雨雪阻道公乃闢路輸糧計檢渠逆而維西彈丸之地築土爲城猓匪忽於黑夜撲城弁兵除調勦外僅有三百餘名帥公意欲避其鋒公乃力阻之曰帥軍動百姓難保以守爲善帥公始出令嚴守公督令居民加火把於長竿爲魚鱗之勢列於兵後猓匪漫山而至自濠而上者以鎗箭立斃之後賊畏而退制帥屢欲以軍功保舉府道公辭焉請保舉花翎以彰國典且示軍威事未竣

而丁母憂乃奏畱軍務告竣再行補穿孝服在滇數十年
從征六次凡擒獲逆黨婦女幼小皆不忍戮力請節帥分
給州縣收養爲奴者萬計公之存心概如此於嘉慶十年
得以回籍補穿孝服仍回滇候補十二年六月以痢疾卒
於滇垣在滇奔走二十餘年勤勞王事未嘗少懈怠肩於
官署者未及三載亦可謂鞠躬盡瘁死而後已者乎瑛隨
侍滇南得悉其畧是爲誌公氏嗣孫錫禧撰

胞姪瑛謹述

廣東菱塘司巡檢顯考芝亭府君行畧
嗚呼昊天不弔禍詒府君不孝等苟延喘息不能躬執杖履侍於九原罪已甚矣夫復何言但府君一生敬先篤後未嘗少懈竟不謹述萬一則罪戾滋甚伏陳梗概祈當代大人先生錫之傳誌則不孝等銘心刻骨矣府君姓惲氏諱宣儀字夢蘭號芝亭系漢梁王相子冬後世居武進之孟瀆城越五十五世仲清公始居安園是爲府君分祖又越八世文斗公諱廷颺始遷石橋爲府君祖生三子長諱龍旃早卒次諱鳳旃無出又次諱兆飛爲府君考卽不孝

先大父也先大父國子監生以府君官
贈登仕郎先大母邱氏
贈太孺人生三子長卽府君次季父盈科國子監生又次
季父萬選邑庠生府君至性過人自髫齡知孝敬盥漱趨
承動中禮節及就外傅力學不倦應童子試輒不售先大
父卽令入都曰汝年過弱冠不早自爲計悔無及矣於是
拚擋青蚨七弗至金陵附糧艘北上抵都囊底已虛不得
已供事文穎館承辦文穎續編書成議敘從九品嘉
慶己巳丁先大母憂歸里辛未又丁先大父憂府君偕季

父竭力營葬一一如禮服闋復進都辦清涼山志晉晉
西巡盛典全唐文書成選授廣東肇慶府四會縣南津司
巡檢時年已四十一矣南津地瘠民貧得是缺者恒不樂
居府君至守法度定民居雖啖菽菜淡如也遇有盜賊必
親自嚴拿有不循禮法者必諄諄勸諭未嘗倦勤是以地
方紳民因府君壽誕送萬民繳匾額壽章祝之道光甲午
督修山水縣榕寨圍基是圍最峻難築易破同寅皆爲府
君憂府君日以實心行實事何憂之有因自出資買石若
千石租牛若干匹相度基址令泥夫疊石於下上覆以泥

使牛踏堅圍遂完固總督盧公以爲能調署新會縣縣丞
事其地民多刁悍府君至寬猛兼施去之日父老持壺漿
炷香夾道大小街坊齊點官清民安檐燈丁酉復補順德
縣江村司巡檢己亥鄉科委派文場供事監臨王公甚契
之具摺保舉府君力辭年邁旋又調補番禺縣菱塘司巡
檢先是夷匪擾入菱塘前任張君帶印入省辭不就職大
憲廉知府君能以委府君夷匪聞府君至遂去之問何故
耆民告曰公在江村時夷匪聞公廉今公至此夷匪示衆
日毋與菱塘司爲難是以去之越數日府君將入省耆民

請曰公少待恐公一去禍生不測也遂畱菱塘司屬有義
學傾頽已久府君捐資修葺規模一新在任三年因耳重
聽告病言旋衿士送牌匾詩詞者甚衆洎歸承先大父志
建分祠兩進於宅東置祭田三十餘畝府君曰除春秋祭
費餘作子孫讀書貲毋妄費也親族中貧乏不足者府君
嘗補助之祖遺典房一所早售於人府君贖回令不孝等
與堂弟二人均分之視姪猶子嘗曰余兩子終歸無用矣
惟兩姪尙幼天假我年得見成立是余之望也奈何志未
竟而遂長逝耶府君厯任廣東肇慶府四會縣南津司廣

州府順德縣江村司番禺縣菱塘司巡檢署番禺縣鹿步
司巡檢四會縣典史新會縣縣丞

敕授登仕郎配吾母張氏

敕封孺人府君生於乾隆四十四年十一月十五日寅時
卒於道光二十六年九月初九日寅時享年六十有八以
道光二十七年十二月初十日午時葬於溫墅里牛車渡
新阡主穴丁山癸向子二長不孝椿齡國子監生娶屯官
八品頂帶錢公定國次女次不孝楠齡廣東潮州府潮陽
縣門闕司巡檢娶曹公慶書次女孫二長遵義不孝楠齡

出次秉智不孝椿齡出俱幼女孫二不孝椿齡出俱未字
嗚呼不孝旣不克負荷用繼先業於不墜又復舉先人之
行誼而泯滅之其何以自立於世爰謹揮淚和墨敘列於
右

男椿楠齡泣述

先考梧岡府君行述

府君諱秉怡字潔士一字梧岡晚自號若壽老人曾祖諱
綿生國子監生祖諱鍾茂父諱毓秀直隸肥鄉縣典史以
外孫麟慶官詹事府右春坊右中允以吳晉齋宗族公簡
貶贈奉直大夫如其官母莊宜人生丈夫子二府君其次
也幼有至性冬月從祖母唐孺人臥常以身就冷處以溫
處貽祖母少長卽穎異業師楊漪園先生亟稱之年十二
隨先大父肥鄉任所長白完顏方伯岱時爲肥鄉令一見
卽器重之年十六讀陸清獻公三魚堂文集慨然想見其

爲人因以清操勤苦自勵常云十六聞道誓不爲惡年十九援例入國子監應順天鄉試不第二十一吾母莊安人來歸旋受完顏公聘授公子廷鑑經所得修脯不入私橐乾隆乙巳府君年二十四先大父因逃犯望誤奪職爲吏廉貧無立錐府君遂以教授奉養完顏方伯時調任獻縣素重先大父乃爲公子求婚先大父以異籍辭完顏公請益堅往返數四先大父感其意遂締姻焉卽彙昌姑母壻卽廷公鑑也府君因畱獻丙午秋試後南歸丁未伯兄受章生己酉先曾祖母唐孺人卒先大父哀毀不知所爲時

先大母送女往南陽成婚世父確士公在京應試府君主
持喪禮附身無悔壬子應順天鄉試是歲彙昌生甲寅適
何氏妹生時家難間作府君維持調護常得先大父母歡
旋復教授里中既屢試不第

朝廷方開川楚事例完顏方伯欲代爲報捐府君不願小
就辭之往返書函盈寸方伯益重之然家益落不得已爲
出游計適楊漪園先生官楚中延課其子遂挈受章往依
焉凡在楚三年甘旨無缺先大父母樂之嘉慶己未回里
省親庚申先大父卒時姑丈廷公爲蘇州府同知以丁憂

回豫府君奉先大父命送眷屬至豫先大父病篤遣人馳報府君星奔旋里已不及視含殮哀毀幾不欲生是歲季弟炳章生先是先大父宦橐蕭然僦屋以居至是始買願唐橋蔣氏宅經營拮据爲先大父營塋後益空乏仍出爲負米計廷公鏘延課諸子乃挈受章入京凡在京四年甲子應順天鄉試房考牟公昌裕目爲老宿以南元相期待呈薦後竟以額溢被遺時先大母年高多病乃回里省視數月間因依膝下如孺子慕焉乙丑仍以不能家食復挈彙昌入都七月間得先大母凶問遂挈受章彙昌南歸府

君自以先大父母易簀之際均不獲承侍終身以爲大感
然迫於飢寒奔走衣食又何日得少衰息也丙寅姑丈廷
公以知府分發浙江復延府君同往受章隨行丁卯命受
章歸娶戊辰偕甥麟慶入都應試麟慶中式遂聯捷南宮
府君爲喜慰者累日而姑丈緣事去官麟慶亦往浙江就
婚府君乃歸里庚午復挈受章彙昌入都仍館廷氏課甥
麟昌麟書受章應鄉試未第辛未五月附糧艘南返六月
初二爲府君五十初度舟中無聊作詩自壽彙昌侍側景
況淒然至今不堪追憶也壬申就維揚錢氏聘甲戌爲彙

昌娶婦陸氏是歲彙昌補學官弟子乙亥同里龔守備秉
銓延課其子遂重遊維揚以妹字靈石何氏卽於是年出
嫁丙子龔守備卒家貧無力延師府君以其遺孤幼弱未
能成立不忍捨去議減修脯之半仍館龔氏者二年戊寅
受章中式

恩科舉人捷音至家府君欣然有喜色旣而慨然曰此吾
父一生忠厚之報也因泣下沾襟自己卯後仍授徒於家
者三年彙昌依外舅陸氏繼輅於合肥道光元年辛巳府
君年六十矣彙昌徵詩文於知好攜歸爲府君壽府君願

而樂之時

新天子登極

詔舉孝廉方正之士里中紳士以府君名應府君辭之至於再三又具呈辭於學師俱不獲乃自以衰老不勝民社之任力辭

召用由學中申送江蘇巡撫韓入

奏奉

旨准給六品頂帶府君自以爲盛名難副乃深自刻勵益習勤苦以先大父母旣沒不獲盡孝養之思因楷書孝經

數十部命彙昌鑄石印其上曰所以廣孝也噫亦可以知府君之心矣壬午受合肥趙守備鵲棠之聘癸未受王大令某之聘設帳淮安於九月間忽得目疾醫藥罔效右目竟至失明維左目尙能有見耳周廣文濟府君執友也聞府君家居復延至淮上課其子是歲爲乙酉彙昌婦陸氏卒於合肥丙戌受章大挑二等以教職用府君於是年冬返里乃不作出遊計然猶日課諸孫不少暇蓋其精勤力學天性然也維時麟慶以中允出守徽州游陞開歸陳許道以府君年老有疾受章苜蓿一盤不足以供潔養乃遵

酌增常例代爲報捐知縣分發浙江遂於戊子秋迎府君
至浙省己丑受章署義烏縣事府君就養在署維時府君
年六十九矣受章爲府君預慶開七秩觴義邑紳士咸進
介壽之詞一時稱盛焉庚寅受章緣事離任旋得白仍以
知縣用癸巳三月委署奉化縣事府君向有便數之疾時
發時愈五月間聞適廷氏姑母卒不勝傷感病益甚受章
將迎養於署乃府君於七月間病增劇日漸萎薨彙昌自
里門往省見府君病體尪羸深慮奉化水陸崎嶇恐不勝
登涉之勞府君亦迫欲歸里遂於八月二十二日奉府君

歸歸至家府君樂甚與親朋話舊故自以爲病當愈但精神疲憊飲食少進醫藥無功彙昌心竊憂之然尙幸興致猶佳或當漸有轉機乃不意於九月二十七後病勢日增竟於十月初七日巳刻長逝嗚呼痛哉府君內行醇備事先大父母忻忻色養尤篤於手足之誼姑母適顧氏者先卒府君哭之慟常云恨不以爲兄與人交不設城府廉而好施未嘗輕有所受遇有急難窮困者輒傾囊助之性恬退淡於榮利寬平樂易與人無所爭競其教子弟惟以讀書立品爲務常云立志不徒溫飽讀書豈爲科名蓋自

道也府君工書善畫人所寶貴又好爲古文辭著有靜存齋詩文集待梓其讀書有毅力手錄之書不下數十種經史之外旁及象緯輿圖兵農禮樂諸書均通其義其教讀甚嚴晨起據坐一案手指口授自旦至暮畧無倦容延聘者惟恐失之弟子爲名諸生舉拔萃科成進士者所在多有生平執友不過數人然皆能生死不渝求之古人殆不可多得府君好遊覽足跡幾半天下壯歲入武林徧訪名勝著有之江遊草比至就養重來以目疾不能暢遊常悵快焉府君生於乾隆二十七年六月初二日亥時卒於道

光十三年十月初七日巳時享年七十有二遺命喪禮勿
得過豐棺衾取具而已子孫讀書務本謹守素風吾死亦
無遺憾嗚呼非所謂全受全歸者耶府君配吾母莊安人
太學生諱績咸女生子三受章嘉慶戊寅
恩科舉人浙江候補知縣娶李氏彙昌邑增生娶陸氏繼
娶章氏炳章未娶女一適山西靈石何林候選同知孫五
人塏娶吳氏元坤聘余氏坦聘蔣氏元升聘吳氏元鼎女
孫四人長字羅壑灣謝氏餘俱未字

命先府君遺事述然因以正千金忽親稱不覺命然怒

府君以道光十三年十月卒於家其時伯兄宦浙三七受
弔例有行述不及遠商於浙彙昌自譏焉惟是苦出昏迷
諸多漏畧緬想府君生平嘉言懿行不勝枚舉彙昌亦未
能盡知苟知而不傳則不仁之罪將安辭哉爰掇拾遺事
爲補述之府君讀書有毅力幼隨先大父莪溪公任所苦
不得名師與世父確士公共相砥礪儻僧寺讀書恒數月
不臥漏四五下始假寐片時卽復讀其精勤如此少時務
爲經濟之學有用世之志後因屢躓名場筮之得蠱之上

九曰不事王侯高尚其事由是淡於進取常以義命自安焉府君安貧樂道有古獨行之風尤不善治生窮乏時又不肯啟乞貸之口常憶癸甲之間貧無以爲生聞友人周保緒先生躬耕陽羨山中乃買舟親往欲爲乞米之舉至則相與道故縱談古今事盤桓竟日卒不告而歸府君貸人錢期於必還假人錢則聽之而已故雖貧但有人負我者無我負人者嘗貸周保緒先生百金常恨未能卽還病革時尙諳諳以爲言易簣後九日保緒先生至彙昌奉遺命還金保緒先生慘然因以五十金爲賻辭不獲命然恐

非府君之意也府君最善孫訪山先生先生居鄉時入城則下榻焉晨夕相對莫逆也先生官山右府君就養之江蹤跡遂睽後聞先生罷官卒於山左府君甚傷悼焉府君少受業於楊漪園先生人品學問有具體之似故相得甚驩府君每服膺先生緒論遇事常稱吾師云云及府君病篤旋里先生年八十餘嘗三至榻前問疾可見其交誼之深矣府君工書畫求者踵相接府君應之不少滯畱雖祁寒盛暑弗輟也或勸以求價者府君曰吾以陶情適性而已豈牟利乎府君性至孝大父母有所命常終身識之不

忘其久遊京師遠離膝下本非所願祇以甥見亭幼慧爲
大父母所鍾愛特命府君教育之比成進士大父母已不
及見府君泣然曰此可以報吾父母於地下矣後見亭官
中允時遇主事人十餘嘗三至僻齋問幾何長其交前之
尊恩特請題贊去主餘無敢專常語晉頌云云又稱香成
馳贈先大父母如其官此固見亭報恩之厚亦以見府君
顯揚其親不於其身乃於其甥詩所云孝思不匱者謂是
類也夫府君少有鄉曲譽所交皆端人正士中歲後益敦
古處故

特科之舉士論翕然而府君辭之甚力維時主持其事者爲魏曾容先生謂府君曰吾儕得人以應

明詔此公事非私事也無所用其求又安所用辭子勿與知可也卒上之而府君終守恬退之志不應

召用僅以頂帶榮其身焉府君生平節甚介而志甚賒嘗欲立宗廟設祭田建義學規畫章程悉具終以食貧居賤不獲遂其志後以伯兄官知縣意可省嗇廉俸卜居爽塏以故宅爲祠屋奉先祖焉彙昌奉遺命已立祠匾而伯兄緣官事并不克保焉彙昌賃屋以居迄無定所噫析薪負

荷用是隱憂矧欲紹承先志耶此彙昌之所以增痛也

以效宇欲歸風奉先厥誠彙昌奉教命男彙昌謹述

本與激其志鮮以自只官時觀意因肯流氣對生

為立宗嗣媚祭田數鐘學賦畫章野悉具錄以食食

自照垂以取帶榮其長壽執律坐平酌甚介而志甚

晚匪虛矣士空而慎據錄存計後之志不願亦以

則勝世公事業其出無阻限其來又安阻限藉于

欲覽曾容表坐附載保自否辭辨入以觀士中

於神志界士循餘然而快否痛之甚代琳和主封其

濟橋府君行述

先府君諱景升字濟橋先祖考諱耕方生子三府君居次
祖考家貧以畫餬口府君出就外傅受業於娑羅巷林先
生乾隆五十一年大飢饉不給府君不朝食而誦讀不
輟師憐之謂先祖考曰此子有志讀書明年吾不受脩脯
令其來學先祖考以貧故不能令府君卒學使同先伯父
晴崖公上京謀食府君就館於南城外香鑪營朱宅朱杭
州大族賓主相得擬爲府君捐監應試適先伯父已得繪
圖館議敘選江西羅塘司巡檢隨同之任旋丁先祖考憂

回里五十八年先伯父服闋分發河南借補濬縣典史府君送先祖妣赴豫嘉慶二年援例捐職從九品分發直隸以書法受知於清河道傅公總督顏公需次十餘年差委不絕十六年永定河決口河道李公駐工堵塞特派府君買土秋雨晝夜不歇各委員避雨回寓府君在茅蓬殿板而坐河道單騎巡工大加獎賞是年合龍保舉咨補河間縣景河鎮巡檢鎮距縣七十里毘連滄州大成青縣素稱盜藪直隸賦輕役重每逢春季辦王差出夫馬胥役舞弊村農滋擾縣令呂公歐陽公一切委任府君府君捕盜平

徭嚴而不刻寬而不弛一時稱盛德焉二十二年升南皮
縣泊頭鎮主簿專司糧船過境例辦土工時天津道李公
閱工令堰民田培隄府君曰民方種麥堰田而不給價是
絕民食也不可行觀察怒其戇欲稟撤之適丁先祖妣憂
回里居喪盡哀時保暨弟光宸光業均隨侍目睹府君宦
囊蕭索急謀仰事壬午保同光宸應順天鄉試均薦而不
售遂往河南就館府君年已六十精神康健壬辰光宸舉
於京兆保因府君患病回里府君曰我無大病汝以謀館
養家爲要是年就杭州織造之聘癸巳四月聞府君病劇

星夜趨回而府君已棄養矣府君生於乾隆二十九年五月十四日辰時歿於道光十三年四月二十五日巳時卜葬於和政門外橫塘鄉主穴之側咸豐元年恭逢

覃恩以光宸官

誥贈通議大夫配先母季太淑人子三長保六品銜山陽縣糧河縣丞候補知縣娶天津金公礪堂女早卒繼娶同里法公啟源女次光宸道光壬辰科舉人戊戌科進士欽點翰林院庶吉士現任江西布政使娶同邑太學生盛公思恭女次光業知州銜

賞戴藍翎安徽靈璧縣知縣娶同邑張公芷薰女女一適
山西丙午科舉人何煥綺孫寅泰庠生丙午科挑取臚錄
實錄館議敘分發山東試用知縣娶毛公介侯女保出彥
琦咸豐乙卯科舉人已未進士禮部主事娶福建巡撫呂
公佺孫女彥璋庠生娶司經局洗馬董公似穀女彥璋皆
光宸出祖貽戊午舉人娶廣東澄海縣知縣李公彤勳女
祖翼太學生娶太學生高公賜琛女祖源皆光業出曾孫
師善師寬現耀毓淮毓徐嘉寶府君孝友爽直不苟然諾
治家以嚴律已以儉家居布衣無故不特殺遇親友貧乏

推解不吝信仙佛而不喜談空每逢朔望日必虔誦感應
篇陰騭文覺世經及高王觀音經易箒之夕室有異香生
忌日家人聞香氣必有夢兆精楷書大字學魯公小楷習
靈飛經有楷書一本秀挺遒勁都門學靈飛經者數十家
終莫能及也府君棄養已二十餘年先時曾有行述已佚
其本茲因族中有修譜之役謹舉其大畧附刻焉

男保謹述

先考南喬公暨先妣費孺人行述

述者何述其人也述其事也述其言也世有無所稱述於人而爲子者必欲強述之者矣乃爲子者不能述而轉藉他人之所述以述之斯其情爲可悲而其事乃益足徵焉若我先考南喬府君是矣府君諱遠字祥耀太學生西園公之長子也金髫齡失怙逾月兄鏗亡明年母又卒凡府君之立心行事金概未能知然吾宗族之老及與府君交最深者往往述府君生平甚悉不可不詳述之以示吾子孫也其爲金言曰汝父性剛言直事親能順敬長慈幼恤

老憐貧嗜學不倦習舉子業昕夕攻苦業日益進丙辰院
試爲學使者所賞以數盈見絀後益專心致志攻苦更倍
於前辛酉院試又以數盈不獲售至丁卯汝大母忽染痢
症親嘗湯藥衣不解帶者旬有餘日大母沒悲慟哀毀有
古孝子風服闋後雖堅志屢試終不得雋心遂怏怏不樂
常以負慈父讀書之志爲恨甲戌春會集文友倡舉胥城
菴惜字會乙亥三月下澣至五都廟買字紙灰甕數十員
反忽染時疾醫藥罔效十五日昏暮含淚執二叔父之手
云吾與汝訣不得復助汝舉事矣予心所恨而不瞑者有

三一以吾父年近古稀未得終養天年吾罪曷道一以惜
字會初舉弟當力繼我志勿有倦心一以子女未婚嫁當
念同胞情視如已出又顧鏗指金命之日汝弟年幼大父
年高事之巨細必稟諸叔父而行事諸叔父當如親父母
也言甫畢而逝凡此皆父老常言之金謹誌之不敢忘嗚
呼痛哉綜計府君生平志切顯揚心存創舉敦倫篤行不
愧於承先啟後矣乃天不與名與壽并不與吾母與兄之
壽以傳吾父之訓徒以金之德薄能鮮失怙恃於幼年不
獲親領庭訓徒使抱憾於終身也嗚呼哀哉先妣費孺人

諱永行公女歲貢生丙中姑母也年十九歸先府君逮事太姑徐孺人凡十一年左右侍奉先意承志便身之物無不周給徐孺人年至八十六而卒事舅姑率三叔姪朝夕侍奉甚得歡心主中饋燕賓師必誠必敬持家政躬紡績早作夜勤有賢婦聲此金所得於傳聞者又如此嗚呼哀哉府君生於乾隆三十四年卒於嘉慶二十年享年四十四有七先妣生於乾隆三十八年卒於嘉慶二十一年享年四十有四合葬棲梧墳首昭穴子二長鏜次卽金女三

男金謹述

族叔少西公行狀

彙昌

君諱進字晉望一字少西曾祖諱良湘祖諱朝樽父諱熊國子監生母徐孺人憚氏世居常郡城南之上店監生公精岐黃之術著有痘症彙鈔世稱仁醫事載邑志君習父業益以濟物爲心不計利遇有貧乏者亦盡心治之不稍倦以故遠近稱之君稍稍積其所入省嗇而用之與胞兄樂琴公共相締構恢宏舊業稱素封焉嘉慶三十四年歲大旱各鄉設賑君日飢與寒常相兼濟其飢而不恤其寒可乎乃獨市棉花爲絮衣以輔賑至今好善者每歲冬爲

寒衣會施捨貧人實自君始之也是後凡遇荒歉捐賑未嘗不與道光元年於郡城關廟之左建諸葛武侯祠六年造本村壽山橋七年造老鴉浜口津達橋二十年爲祖墓立碑種樹凡諸善舉皆與樂琴公竭力捐貲無少吝惜而修墓則獨任之焉長兄南喬公早卒遺孤金幼君撫之以至成立授以世業且常以不可計利爲訓三兄清望家中落君與樂琴公時時周卹之其好行其德類如此君少業儒工詩後援例入成均性和易坦率不設城府欣欣然若陽春之被物望而知爲仁者也君生於乾隆四十四年十

二月二十七日卒於道光二十六年十二月二十七日享年六十有八將以十二月十七日葬於昇西鄉壽山村之北原配沈孺人繼配劉孺人子二長光弼國子監生娶徐氏次鎔萬娶上官氏先一年卒女一適史伯申孫五人溥聘高氏濬聘王氏渭聘王氏澍濂尙幼孫女三昌與君同十二世祖居隔城鄉或數歲不相見而交誼特親孤光弼以昌爲能知君者以狀爲請昌不敢辭謹序次之如左惟立言之君子採擇焉

學文惲公行畧

沈鼎勳

公諱簡字學文父諱榮義生三子伯學信仲學忠叔卽公也公自幼穎悟天資敏捷早失怙恃常以不克盡孝養爲憾隨兄出就外傳互相砥礪師友皆以大器期之數奇不售援例入成均時伯父榮仁業田千餘畝與公父未分析命公經理取息寬厚迄今人猶德之公制行誠樸生平無疾言遽色待人不設城府族黨中有衣食不繼喪葬不舉者告公輒應他若歲歉助賑以至隱行其惠不可殫述公生於嘉慶七年壬戌卒於道光二十八年戊申年四十七

墓於祖塋予與公有姻聯知公行誼頗悉爰述公之梗概
如此公醇謹於事與難也親以臣親任其惠不臣敢數公
幾言數言皆人不當其位其黨中皆文會不辭其勞不舉
命公歸臣與息實事以今人體高之公歸臣高封坐平流
曾幾時人如以知由父榮之業田千餘疇與公父亦於流
淵淵其出微也雖其能知淵淵文會以大器賦之知會不
出公自應厚謝天資始其早失怙計常以不取諸事養其
公為諸學學文父鞠業義出三千石學計明學出為即公

兵部侍郎都察院右副都御史湖南巡撫顯考次山
府君行述

嗚呼府君竟棄不孝等而長逝耶府君體稟夙非彊盛少
孤食貧備嘗艱苦通籍後敷歷中外二十年又值時局多
艱殫精竭慮蓋猷碩畫動系安危而孤心苦行惕勵益深
湘鄉相侯奏報故員摺內稱爲亮節清風皜然不滓海內
無異辭言行大端卽此可以概見不孝等苦塊昏迷於府
君立身行政豈能追述萬一謹就聞見所及和淚濡墨敬
陳崖略以冀當代大人先生俯加矜鑒入之紀載備 國

史之採擇焉府君姓惲氏諱世臨字季成號次山一號聽
雲系出鄱陽爲漢梁王左相子冬公之後世居武進通江
鄉五十四傳至明湖廣按察使副使東麓公諱巍始居石
橋灣是爲府君十一世祖再六傳至五世祖燮臣公諱魁
元妣巢氏生子二長爲高祖考子渭府君諱士璜妣錢氏
生子三長卽曾祖考卽槐府君諱輪博學能文艱於一衿
兩世皆以伯祖及祖父貴其後祖考諱鼎其後祖考諱少
敕封文林郎晉贈奉直大夫高祖妣贈孺人晉贈宜人曾
祖妣鄭孺人晉封太宜人府君歷官中外疊遇

覃恩誥贈如例我毘陵惲氏當明末

國初文章氣節爲江南之冠族祖香山先生遜庵先生尤爲士林所重至印槐府君生子四大伯祖諱敬乾隆癸卯舉人官江西吳城同知以古文得盛名著有大雲山房文集世所稱子居先生者也二伯祖早卒三伯祖諱敦國子監生季卽先王父遜堂府君諱敷乾隆甲寅舉人官至浙江海甯州歷任定海嘉善諸邑愷悌慈祥有神明之譽值大水辦賑全活無算其他惠政不勝舉定海邑人爲建生祠相傳爲嘉善城隍神以奉鄭夫人諱毀瘠過甚得咯血

證卒於道光己丑年六十有一前王母張夫人舉子二長
大伯父次安公諱儉早卒次三伯父次明公諱侃先王母
梁夫人舉子一卽府君也梁夫人恭懿淑婉以嘉慶丁卯
歸我先王父事姑孝門內外無間言三索皆得女以嘉慶
二十二年丁丑正月十三日寅時生府君於通江鄉之于
老府君誕生之前夜梁夫人夢道冠道服廣額長身歛入
寢室大言有道者三瞿然而寤府君旣生梁夫人極鍾愛
自乳焉府君生而穎悟未三歲日識字數十六年出就外
傅受業於舅祖張孟恬先生先王父任海甯以

萬壽演劇孟恬先生戲以或曰放焉爲題謂曰文成卽往
觀劇府君援筆立就師喜甚卽爲講舉子業嘗覆講四子
書同學中不得書義者恆潛問府君輒詳告無舛錯年十
三先王父棄養府君哀毀骨立先王父作宦十年不名一
錢歿後梁夫人典質成殮定海縣紳民間之遠道送葬厚
致賻儀始得舉殯權厝於石橋灣之西溝梁夫人因悲傷
過度亦得咯血證冬間府君復大病幾殆梁夫人督府君
甚嚴常謂府君曰我不期汝得科第但得一衿爲正人君
子養母足矣府君泣受教自先王父棄養後家計益窘同

族公議析產府君所得田租歲不過四十千值歲歉斗米
五百月派供師膳十日梁夫人典質應之衣飾盡括及銅
錫具然師饌必豐潔時呂氏姑未嫁梁夫人自與姑茹粗
糲或以瓜菜雜麤麩食之府君自塾歸梁夫人必嚴詢課
程寒夜一燈母子二人形影相弔府君每言及未嘗不垂
涕也壬辰冬府君年十六梁夫人曰吾力已竭汝明年當
課蒙兼自課府君悚然聽命癸巳姑贅呂君愿甫備孫爲
壻旣彌月卽隨宦甯波梁夫人益不憚自此日發寒熱至
八月初五日清晨呼府君曰我初意教汝成人爲汝家延

讀書種子不意病入膏肓此後汝好爲之毋貽先人羞次
日卽棄養府君一慟幾絕十數日水漿不入口賣田五畝
賴姑夫呂致賻始得殯殮如禮奉柩厝祖塋側自是伶仃
孤苦幾致輟學愿甫姑夫歲助修脯得受業程鳳芝先生
同至蕪湖蔣芍農先生縣署其子今刑科給事中蔣公彬
蔚與府君同歲極相得有切磋之益丁酉十二月出贅於
會稽梁氏卽先王母從女也戊戌春偕回常州與先妣食
貧茹苦有不忍言者其間又稱貸奉先王父先王母張梁
兩夫人之柩合葬於獅墩新塋又爲三伯祖子由公營葬

於西溝葬甫畢遭累益困乃至杭州謁先王父舊交汪少海先生爲薦甯波府縣試襄校時呂氏姑得肝疾甚殆府君往視其成殮而返府君自失怙恃賴姑友愛竭力欣助得以讀書數十年來每憶之輒潸然淚下也已亥七月不孝桂孫生明年附糧艘入都姚聖常姑夫晏畱課其子若孫從湖北陳給諫光亨閱文壬寅同鄉魏增榮先生勸寄籍大興就童子試府丞周公貽徽見府君文目爲英器以初覆未到抑置第二島府君曰若善自愛吾所望於若者非科第之謂將卜若爲一代偉人也癸卯補大興縣學弟

子員是秋應順天鄉試中式第五十一名舉人房師爲海
鹽支讀學清彥座師爲花文定沙納麟文端魁許文恪乃
普府君聞捷掩面涕泣以先王父母及呂氏姑皆不及見
也甲辰試春官報罷仲夏返常梁夫人患三陰瘧三年甫
止瘦損殊甚見府君歸歡笑自若家事瑣屑困阨未嘗以
一字使府君知明年春百計摒擋始上公車中式第一百
八十六名進士二月奉命試武舉試武舉進士
殿試
朝考皆高等授庶吉士座師爲穆相國彰阿賈相國楨周

文勤祖培許文恪乃普房師爲許中允振祔府君貧甚會
試報到囊空如洗南旋繞道河南十月抵家是年六月不
孝頌孫生丁未二月挈家屬抵京四月散館改吏部主事
需次事簡府君自此留心經國大計於銓政官書推究殆
徧隱然負時望上官皆異視焉八月不孝俟孫生明年戊
申先妣梁夫人患瘵疾四月二十九日遽不起時不孝桂
孫方十歲不孝頌孫俟孫皆在襁褓飲食教誨府君以一
身兼之嗚呼痛哉此時此境不孝等所不堪追憶者也是

歲考取軍機章京奉

河中大水於正十年冬大旱

旨記名明年已酉府君在部將三載矣大家宰恩文肅公
精覈嚴明府君最爲所器識嘗語人曰憚某乃經濟才所
造未可限量府君承公之知然遇事以大體爭不苟徇附
是年八月繼母戴夫人來歸府君相待如賓一如先妣梁
夫人時暇則談論經史尤喜述忠孝事閨中稱良友焉時
不孝等皆在孩提撫如已出境處窘迫我母措置裕如府
君用能夙夜在公於家事悉置不問庚戌奉派敬護坐景
宣宗成皇帝梓宮至承繼中與公宗日交
慕陵癸丑補驗封司主事缺時粵寇陷金陵京師大震朝

官遷徙者十有八九府君晨食胡餅二枚卽入署辦事迄
半夜不得歸九月奏派辦理中城團防與李公宗燾日夜
籌畫編查保甲至乙卯始撤防甲寅七月不孝炳孫生是
冬幫掌銓司印乙卯春升員外保送御史考第一奉
旨記名旋掌文選司印時捐例迭變每一缺出輒輪序數
十員頭緒繁多偶一失檢胥吏卽因緣舞弊府君自辰至
酉手不停筆無間寒暑返寓猶兀坐至夜半籌思一切吏
部惟開設求賢二科爲最難治府君到部卽領其事其糾
轄難決者得府君一言而定各堂莫不稱善十二年中無

繼毫舛錯冢宰花文定沙納翁文端心存周文勤祖培皆
云有憚某在吾曹夜眠可以貼席其爲時禮重如此丁巳
秋御史應帶花周二公堅請暫畱吏部旋升文選司郎中
是年八月不孝秀孫生冬間京察保送一等明年春奉
旨記名以道府用百谷勳鑄十日贈嚴果撫舊命孫田總
召對稱旨三月升山西道監察御史洋人至天津議通商
事要挾百出府君兩疏論列皆愜
先皇意畱中五月奉

旨簡放湖南長沙府遺缺知府復蒙

惟氏家乘 卷一
召見有汝好隨駱秉章爲之毋負朕意之

諭遂於八月出都既至湖南駱文忠公一見契合次年三月飭任常德府時巨逆石達開由江西竄楚陷桂陽撲永州聲稱六十萬合省大震常德居水陸要衝府君甫到任查前守曾募勇五百名僅發十日餉通稟撫藩令新任就地籌給口糧奉撫藩批安爲籌辦倉猝受事僅據移交銀二百兩數日間索餉屬集府君延見八省首事及本地紳士籌議皆相覷無一言蓋屢爲官誑莫之應也不得已先捐廉二百金暫應五日口糧仍傳集紳商曉以利害勉以

忠義眾見府君忠誠懇至情意漸孚客總倪顯志年七十
矣爲借公項二千串自借錢千串得以支持一月迨夏初
賊圍攻寶慶常寶毘連水陸交通居民一日數驚遷徙者
十之八九餉項竭兵且潰上書藩司乞撥餉四千緡不允
又請之大府得月撥釐金錢一千串五百人之餉始得其
半又念常德城大額兵二千名除出征外實應操者不及
七百人洞庭水師久無船隻設有警新集之勇及營兵不
過千餘人守堞尙不足萬不能分守要隘知鎮筸勇精悍
敢戰稟商於辰沅道代募精壯八百人卽以道標將領統

之又令千總石萬清募回勇二百人日夜訓練以備游擊之用於是陸師得千五百人除守堞外尙餘七百人陸路足資調遣又念城濱沅江上游諸水建瓴直下利用舟師星夜造礮船十八隻請於制府發銅鐵礮位數十尊適贛南鎮總兵陳金鼇記名總兵劉國斌奉檄來郡防堵府君與之籌定營規以礮船屬參將陳樹勳統之於是水陸有備復令千總張武奎統二百人駐距城百里之汪家坳令鎮守勇五百名駐黃土坡以爲聲援自汪家坳至城百餘里每五里設二卒有警報上下卡飛遞一卒行五里文報

三時許卽至先是於儲備倉會議水陸師經費紳士及各商首事見府君一片血誠允先由各會館挪借銀三千兩給與印票爲據紳商分勸各鋪月可得錢四千串恐歷久不支復據紳商請食鹽爲日用所必需議定每斤捐二文取數旣微市價不至驟昂兵餉庶因之有著府君姑准試辦飭由鹽行抽取彙交八省商總商總公舉二人經管收支並管鋪捐及奉撥釐金之一千串令水陸各營官赴局支領出納之數於官無與按月榜示眾目共觀功歸實用費不虛糜迨秋杪撤防以地當衝要稟明酌畱水師陸勇

小土家類
卷一
三

常川駐紮以資策應所需口糧卽以月撥釐金千串及新設鹽釐充用倪顯志先墊之款歲杪一律清還當初辦鹽釐時羣議未必其歷久奉行而軍務萬繁餉糈無出歷奉憲批均飭就地籌畫不得已一面出示試辦一面於駱中丞前稟報地方情形稟中聲明附述至九月收有成數復專稟申請立案此乃府君慎重謹密之至意及被參劾始則以爲升藩司後補稟及以原稟咨送又謂出示在先具稟在後深文周內平白受誣嗚呼可痛也矣當六月中賊由寶慶分股渡資江至新化縣之狀元洲其地至黃土坡

繞小路至城僅百數十里獲賊諜十餘人皆供大股圍寶
六十日不克欲棄城逕撲常德夙知商賈輻輳多財賊前
此甲寅初陷賊目曾添養曾解貨寶三百船至金陵今猶
豔之欲圖大掠取道入川民間惶惶大半遷徙府君出示
安民令於署曰敢有以行李出宅門者立斃杖下令前招
之五百人鎮守勇三百人回勇二百人又團勇五百人與
營兵合登陣令陳樹勳率舟師分防水路各隘一切軍械
悉備二十後軍報益緊二十二日賊遽由狀元洲破牛山
卡直撲汪家坊張武魁以五百人禦之府君日夜籌畫辦

軍務外猶坐堂斷獄以示鎮靜十數夜目不交睫遂得咯
血證嗚呼孰知十三年後竟以此損其天年乎湘境獲安
而府君已危是府君之死實死於
國也會李希庵中丞由鄂赴援力解寶慶圍狀元洲匪回
援常德始安設非府君竭力預籌要害將爲賊據洞庭以
西尙可問哉自此守常者又二年於地方利弊興革早作
夜思無須與懈合屬士民亦深體府君之忠誠報
國禁止令行有風行草偃之效郡西門大隄曰花苗爲保
障郡城及武陵後河四十八村最要之工乾隆中隄潰畢

秋颿制軍請帑金五十萬堵築之道光二十九年又潰淹
斃數萬人請帑十數萬益以捐輸勉歲事府君始履任以
軍書旁午未能兼顧至十年始加高培厚於隄上十步設
土牛一座以備急需迨十一年四月蒙恩升補岳常澧道未交篆時大雨浹旬沅江水大漲勢已
恩升補岳常澧道未交篆時大雨浹旬沅江水大漲勢已
平隄隄面裂縫隄脚多水報水者接踵至府君曰吾不忍
以後患貽來者俾億萬民罹沈災之苦也立往勘災周視
隄防亟知會營縣紳董傳勇丁數百名搶險器具錢文悉
備徹夜督率搶護自西門至矮子隄大路二十里隄皆塌

陷僅餘外隄尺餘勢危甚武陵縣知縣孫翹澤勸府君且
回城休息紳勇亦動色請暫歸府君揮之曰隄不完吾與
之存亡矣勇丁感其意爭先取土牛隨時填補三日水漸
平卒獲保全乃集眾會議僉謂舊隄不可用須另築新隄
非四五萬緡不可府君曰黃河工程稽料尙可堵築常郡
木料板片尙多若用丈餘之木作椿雁排隄外連以橫木
每椿用水竿一椿內密釘厚板以土實之當可堅固遂次
第興舉日詣工次未一月而畢計費不及五千緡費省而
工速深得古人濟變意而紳民益於此頌再生矣然非先

辦鹽釐則無貲興此利濟雖有智者束手無措矣當水勢
之方盛也一日夜陡長四丈府君巡視督工自辰至戌足
力幾竭至夜半府君所立隄陡坍數丈浪湧至足前府君
屹不動水忽退數武勇丁及土工乘勢以木板油簍填築
始獲安計三晝夜未交睫居民見隄外有牛極大浮水面
繞隄狂突忽隄上現紅燈無數其物上躍不能登卽赴下
流水始定計其時正府君駐斷隄督搶之時殆有神佑而
府君固不知也賊之圍寶慶也居民悉遷之鄉有某氏孀
居巨資被劫來報幕友勸批發縣府君以批縣需時日恐

盜遠颺自選役捕適地保張宏富來報反覆親訊察其倉皇支展押之夜遽遁旋報投河因密訪得竊賊李么兒常至張宏富家乃立拘到案不加刑訊歷數夜細詰之始供張宏富與澧州杰癩子首謀同謀者八人么兒與焉其六人在武澧交界分賊逃往津市悉緝獲之置之法原賊猶存一半給某孀承領自此二年無一盜案民間以神明頌焉又自立常勝軍水師後分班輪流巡湖庚申正月於洞庭湖西獲盜汪明高劉光富已審實積盜府君察其貌無兇狠狀因思濱湖各邑搶案百出往往不得真盜當用以

毒攻毒法屏除左右謂二人曰汝等已死囚矣能將同夥
中著名者爲我一一言之可贖汝命供得盜首曾光映謝
遠富等二十餘人餘黨數十人密派幹役親兵二十人帶
汪劉二人改裝易服駕舟如商人分道梭巡至安鄉獲曾
光映年六十餘武藝絕倫眾競擒之猶力斷鐵練欲逸陸
續擒獲謝遠富等二十餘人俱械至笞曾光映絕無痛楚
亦不見血鈐府印於背笞不及十血出遂供在湖西四十
餘年血案十數起劫案五十餘起半有年月及地址可查
其謝遠富等亦俱吐實擇其案情輕可冀改悔者縱之其

他悉置重典汪劉二犯使充水勇劉旋陣亡汪在常安營
從無過犯西湖以南行旅自此無戒心庚申五月朔奉本
道飛檄澧州擒獲教匪古之愚等供出武陵匪首印文基
桃源匪首田舉人羅秀才等潛匿在常飭卽密偵究辦府
君選役八人夜半出城詢團練局紳董檢冊去郡十五里
果有印姓名文基者就獲之年止二十餘業木工貌謹愿
一家環泣號寃乃曉之曰觀汝非作惡者汝族亦有不安
分者否其父曰距此三里許茅屋中有名友基者居之其
人習瘍醫善符籙多不法事令導往獲其人檢搜什物得

與古之愚往來確據乃令印姓合族保釋文基時初二日
午刻也友基之教謂買得門牌卽可避劫鄉民懲四年失
守之禍覬門牌者甚眾其甘心從逆者亦不少熬審至三
十餘日凡緊要頭目十餘人悉拏獲其田舉人一名則徧
詢知爲桃源武舉早入都然不爲非分事惟名世清者綽
號狗腦殼曾入文學犯事斥革改名捐監又充提轅營書
習刀筆武斷鄉曲在萬山中黨羽擁護不可得也府君不
爲動卽日派千總石萬清帶勇百名夜抵其地詭稱提臺
差弁借宿直入其室擒之至郡世清云何事見拏府君曰

奉大府飭拏想是古之愚事發耳世清云一路熟思惟去年在澧州與古之愚口角不意其挾嫌構害也府君知其狡不以入獄令居署中飲食之勿復訊世清問僕曰此何意答曰本官欲救汝而不得也又數日傳至簽押房曰欲將汝解澧與古之愚質證事縱白已拖累欲據供開釋亦係一面之詞並無干證上官必不信世清曰與古之愚口角時有同里羅姓在旁可以爲證因令札致羅姓拘之到案隔別研訊羅名光澧卽世清黨據供同在澧州與古之愚結盟之愚起事世清等卽在桃源率黨響應與印友基

往來極密羅冒稱秀才田冒稱舉人也錄以示田始自引
伏據是定讞三人皆伏法使彼時稍游移或委任各縣自
辦輾轉漏洩匪必遠颺甚至激而驟變爲地方害不可問
矣府君之見機密速多類此又武陵人素健訟府君下車
卽嚴拏訟棍數月訟風稍戢有趙姓叔姪鬪毆告忤逆積
二十餘年未結蓋姪係少孤叔謀產未遂屢辱姪姪不能
堪叔以煙筒責姪出血姪取酒壺還擲叔固眇右目誤以
左目報府君坐大堂驗之不符對以用藥調治故毒移於
右府君知其詐痛斥之謂其姪曰汝父存否答曰歿已久

伯叔幾人答曰祇此叔復喻之曰汝少無父祇一叔宜以
父事叔年老宜周給之能用幾何時苟以十數年訟費周
汝叔急何至今日本府幼失怙恃求一叔不可得汝忍不
敬叔乎謂其叔曰汝兄祇此孤安忍涉訟竟不念兄耶可
愧亦可痛矣言畢淚交下於是叔姪二人乃相持而哭願
悔過銷案姪扶叔下和好如初堂下觀者千人皆爲歎息
常德紳士具載於鼎州治蹟書中府君旣交卸受代啟程
時後河四十八村前河三十六村及桃源龍陽沅江人民
至城執香跪送者填街塞巷痛哭攀轅祖餞至五百餘處

府君紆道登舟與紳民士庶灑淚而別諄諄示以勉爲善
良以祈天佑常俗頌好官每以檀香爆竹爲敬是日聲填
城郭香溢閭閻解纜後沿江追送者絡繹不絕直至離城
九十里流花口始止僉謂百餘年來太守去任未有能如
此者也六月初四日到澧任事奉中丞毛公鴻賓檄督辦
沅江賑務十七日卽起程惟帶一僕一吏一役徧歷各鄉
踏勘秋毫無擾分申貧次貧極貧三等月給米若干兼行
平糶一切賑饑之法纖悉必備竝爲勸修沿湖各隄設法
洩水及時補種凡一月之久悉臻周妥民忘其爲饑歲矣

是年秋由岳常澧道奉毛中丞奏委署理湖南藩司固辭不許毛公爲言自鄂赴湘在黃州見胡文忠公言楚南官吏不可用者五可大用者二一爲今山東巡撫丁公寶楨一卽府君也府君於文忠僅一面之識蓋常澧與鄂爲鄰風聲逖聽有由來矣時司庫存銀僅一千一百兩欠解京餉協餉及本省各營餉有六十餘萬之多下游各省軍需尤亟江浙淪陷西皖亦蹂躪不堪粵匪又竄擾靖州辰溪曾相東征軍火悉取之湖南府君思合省籌餉之法惟釐金鹽茶捐輸湖南辦釐專用士流不歸衙署不經胥吏立

法視他處爲最善然如衡州洪江等局閒有由地方官創辦者不免狃衙門積習漸開陋規府君密訪得實另選公正紳士清查釐剔積弊盡革其辦理核實者獎勵之人心肅然咸思自奮終府君任釐金歲入悉輸於公得餉視前後較多而行旅市肆一無所擾商民至今頌之不衰軍需製造逐一核實計自辛酉至甲子共節省銀三十餘萬而軍械較前更精軍需局舊有水錢不報至是亦歸於公三年以來又節省錢一萬八千餘串迨後誣參反謂軍需節省及水錢皆經入橐黑白混淆莫此爲甚嗚呼痛哉八月

文宗顯皇帝熱河

素黑白感儀莫出茲甚御初歲詩八

哀詔至府君自問以候補主事不及十年迭膺殊擢悲號

慟慕躄踊成禮旋奉

以香沐水繼不辨在具亦禮儀

命祭告南嶽

炎陵

舜陵諏吉之前薰沐齋戒自爲告

神誓語進香時虔誠默禱冀早邀

以至今德之不齊

吳賦海宇廓清而願以此身死殉職守吏民皆感動楚南

故多雨少晴府君致祭期天忽晴朗四無纖雲時以爲有

昌黎正直感通氣象往返千餘里益訪察民生利病官吏

優劣民有冤親爲研訊無情者率揮之去其可勸解者溫

言慰之就近可結者付收令清理其關訟棍主唆則提府
提省分別窮治夜宿行館猶微服偵察務求民隱所在故
其後積穀禁酒嚴定結案旬報諸善政皆於此行得其要
領至於水陸要隘山川扼塞更密識之以爲他日兵警之
備故事祭嶽禮成屬吏置酒請游山供帳甚盛府君力卻
之曰登臨嘯詠本文人之事若寰宇昇平雍容讌集誠亦
昔賢不廢今海內鼎沸身膺地方鉅任何忍爲此事竣卽
兼程歸耳冠蓋遊山得不爲民譏笑耶收令之不職者皆
於回省後詳請撤參某邑令旣被劾旋經部民控告詐贓

八百元畏罪逃匿後參摺內指爲信用張昆祁之謗卽由是而來大抵府君爲軍民盡一分心力卽增讒間一次口實可傷也已壬戌之夏湘省大旱石米錢五千餘各縣阻米出境至攜錢無米可糴人心惶惶劫倉搶米之案層見迭出府君特出示開禁設法平糶詳請免抽各卡米釐凡川米入楚境皆一概免之發告示數百道馳貼荊州宜昌岳常澧等處不及二旬川舟銜尾而來米價頓賤十之五民始帖然營書某向爲各營領餉以低潮銀色攙雜獲利巨萬漸久漸增竟至十分之二營官某以原印封呈驗府

君折視大駭密究根底具得積年弊藪詳請中丞具奏照
軍法立斬積弊頓除十二月蒙
恩實授布政使府君感仰

殊施益振勵無顧恤一意釐剔勞怨竝任是歲今威毅伯
曾宮保國荃方攻金陵駐師雨花臺逆賊李秀成以三十
萬眾來援我師既深入晝夜苦戰子藥垂盡皖鄂軍事亦
棘手皆無以應府君得報亟謂紳士黃觀察冕郭京卿崑
燾曰賊以金陵爲巢窟不拔金陵亂無由弭曾公之直擣
中堅以此逆賊以全力回援亦以此我師精銳盡在前敵

脫有不支不獨前功盡棄卽皖鄂亦無由自立吾早見及
此豫爲之備今局中所儲藥殆五十萬斤當先以三十萬
應之亟覓船運至漢口鼓番舶而東其猶可及也黃郭皆
驚服請於毛中丞星夜派員分批攢運七日達金陵一軍
歡呼士氣倍奮賊氣亦大阻時東征軍餉糧藥半資湘省
中外皆以爲言其事浸尋上
聞癸亥六月奉
旨補授巡撫是年又苦旱鄉人入城禱雨者以萬計府君
虔誠步禱率吏民迎請廣濟真人到省六月十五日接印

任事是日卽大雨四郊霑足遂大有秋自此以後祈雨祈
晴無不立應湘人咸謂數十年來惟駱文忠公與府君有
如是之響應焉無何逆首李幅猷竄入楚疆陷會同綏甯
勢將由辰河直擾下游府君調王鎮永章趙鎮福元周鎮
洪印彭鎮炳武于鎮高勝四路兜擊又令常勝右營水師
參將劉萬雄常勝營副將陳樹勛統領選鋒各軍劉鎮國
斌於辰沅各河堵截挫李逆股匪十之七八餘黨向粵西
竄走先是毛制軍奏調張方伯運蘭楊觀察安臣募勇赴
粵東勦信宜高州股匪嗣信宜匪首投誠高州逆目授首

粵事略定毛制軍飛檄止張楊兩軍毋度嶺府君策李幅猷必且由粵西竄粵東連州陽山一帶空虛無備賊勢將復熾仍飭兩軍急進連州扼要以待已而李幅猷果至其黨懾於兵威相率乞降搜獲李幅猷解粵東省城磔之粵患以紓甲子春大股逆匪竄入江右江楚犬牙交錯邊疆告警急調趙鎮福元王鎮永章劉守德謙陳臬司士杰及彭于兩鎮分堵各隘以趙臬司煥聯所部和字營老於行陣駐防省城有年調防醴陵平江等處而以李忠武之從子光燎另募二千人駐會垣朝夕訓練布置周密合省恃

以無恐賊亦知湘省備嚴偽忠王李秀成至義甯州半途引去卒不敢犯黔中巨盜曹元興爲害十餘年奉

旨密拏該匪黨羽數萬悍甚不可得府君聞直隸知縣楊昌江多智能奏調來楚昌江故黔人與之言黔事極悉乃密檄購緝設法誘擒曹元興於楚黔交界不動聲色不煩師旅而鄰省積惡一旦授首案定入告荷

嘉許焉各路軍事稍定府君乃嚴飭吏治先定各州縣自理詞訟格式按旬冊報分管收除在四項以察勤惰以覘器識禁民間以米釀酒省民食無算於洞庭湖捐資廣設

救生船隻重修省城
學宮事事親理宏整爲四方冠而用項極廉其尤關民事
則在積穀與減錢糧兩端湖南常平倉穀舊儲三十萬石
軍興後變價動支無可籌補而社穀亦有名無實本境之
米向專民食連年運濟江皖蓋藏遂虛稍有歉收米卽踴
貴府君乃勸捐義穀每石酌捐一升至四五升爲止無論
紳民一律辦理其收放悉責諸公正殷實紳士遇有歉年
或酌給孤貧或減價平糶因地因時隨宜斟酌秋後再行
籌補計九府之中共積穀至六十一萬一千二百八十二

石倍於舊例常平之數酌定章程奏入奉

旨悉照所請欽此昔乾隆盛時直隸大省方敏恪公辦倉穀至二十八萬有奇府君兩倍其數湘中之倉庫以實至各縣錢糧向多書吏包征包解視銀米兩貴時爲折價之準銀價雖落折價如舊且有墊款掣串稍逾期卽扣索重息累民實深府君通飭一律自封投櫃減定折價數目刊碑勒石官征官解爲民間減浮費錢三十萬三千二百五十七串而爲司庫增餉銀二萬餘兩專案具奏民困頓舒府君自念由道員不一年擢任封疆忘身殉國不辭勞

粹公正士紳引爲同志勤求民隱遇事諮詢郭京卿崑燾
襄幕府事匡益尤多方期百廢具修事事悉臻盡善而綜
覈旣嚴請託不行羣小由是側目矣府君旣被誣具摺陳
謝聲明鹽釐一案實係常德任內卽已具稟撫藩有案卷
宗厯厯可據並非在藩司任始行補報仰荷
聖明交部復覈星使復以究屬出示在先具稟在後爲辭
上疏部中仍照前議降調府君遂於乙丑三月交卸時積
勞病甚卽無此効亦將引疾六月陝甘總督楊宮保岳斌
懋陳府君湖南治行請發往甘肅軍營奉

旨允准而府君憊不能興乃請於後任李中丞瀚章咨部
展緩挈眷返里歸橐蕭然僚屬有以餽贖請者府君謝曰
僕少孤貧凍餒之况嘗之已慣卽回籍授徒亦足終老諸
君盛意不敢冒嫌也抵鄉後祖居已燬乃僑寓吳門就敗
屋數椽稍葺治之陋巷荒厨杜門不出湖湘士紳訟府君
清苦恆歲遺餽粥資戊辰冬官文恭公文復具疏以府君
持躬廉潔秉性忠誠力薦請

召用奉

旨與今科布多大臣前河南巡撫瑛公棨同送部引見時

府君抱肝疾時愈時發稍一勞頓卽痛不可支非調理全愈不敢就道請於護理江蘇巡撫張公兆棟附片力陳病狀請緩期北行奉

旨允准庚午一年稍有起色方擬冬春之間束裝赴部不孝桂孫任務關同知謁伯相李公鴻章輒詢府君眠食囑於家稟中勸駕以時事多艱正臣子效命之秋尊公清亮勤明海內所知當及時報國不孝桂孫恪遵具稟府君亦極思報稱今春正二月奇寒肝疾又作三月猶挈不孝等扶病至常掃墓返蘇後四

月二十四日適有朋友之喪府君倦懷老友失聲大慟送殮回寓卽咯血大作不孝頌孫等手足無措急延醫調治端節後卽值酷暑又復大吐身熱頭汗呃逆嘔吐諸證漸加饘粥不能進咽至中旬後咯血已止肝疾又發不孝等徧求名醫相顧束手至六月初一日辰時遽棄不孝等而長逝矣嗚呼痛哉不孝桂孫供職務關不孝俟孫在京讀書皆不及親視含殮聞訃奔喪觸棺號痛而音容已邈從此爲終天抱恨之人罪戾可擢髮數耶痛哉痛哉伏念府君一生居心立行以古名臣自期遭際

聖明超畀節鉞方思竭此一腔熱血爲地方籌百世之利
報欲殫天爵豈必天賜凡此其類其類其類其類其類其類
累朝特達之知而中遭讒謗以白爲黑雖海內賢傑皆亮
其誣而念切時艱孤忠耿耿兩承

溫旨感激涕零又苦方圓鑿枘終於不合時趨徘徊出處
之間悲天憫人竟致一病不起嗚呼九原之下其能瞑目
矣乎哀哉傷哉尙何言哉府君表裏洞達事上使下絕無
城府自部曹至疆吏二十年如一日情性淡泊自奉儉約
雖處大位無聲色貨利之染外任後未自置一裘家添一

餌與我母戴夫人合志同心荆布疏糲處之淡然而遇友
朋急難及後進困阨輒竭力仗助無少吝爲人任事通財
不輕然諾嘗謂事無難爲但患心不誠識不遠耳以故在
部時人目爲血性男子有季布一諾之稱同學某屢上公
車不第欲援例就銓而僅有四金謀諸府君遂慨然爲集
腋計有挾厚資權子母者某爲假千金答以憚某需署名
券上否則不諾其人實未與府君謀面也府君乃爲某署
券至三千金未踰年某就銓去皆以府君一諾而定厥後
辛亥壬子癸丑三年反受其累至除夕三鼓尙不能安處

惟上家
名一
四
羅雀掘鼠爲人償子母待友之心可謂厚矣其他成人之
美更僕難數親族之在家者紛至沓來無不善爲位置必
使得所雖處極窘而伯父母處家用必按季分送一如先
王父之待諸伯祖也鄉人客死都中皆爲集資殯殮歸其
柩有客某橫死都中府君聞信卽往血猶泔泔下府君親
身爲殮爲人所難爲多類此顧疾惡如仇僚屬有庸劣者
絕不假以詞色以是通省吏治肅然而忌之者亦多府君
嚴於察吏而體恤周至不准首縣辦差宅門以內應用物
皆出己資置備地方官操守不苟畱心民事者必極力保

護嘗言屬員與我同受外誅安敢言不孝乎日嘗謂曰
恩爲官敢不敬重特莠不除則良不安耳府君長於綜覈
與胡文忠公南北相埒署藩篆十五月京餉協餉及本省
兵餉數百萬籌解絲毫不爽交篆時庫存現銀十四萬任
內惟正款支發不稍緩其他濫支不急之費一切停罷坐
是與時俗相忤當金陵大功告成疆吏紛紛書大獻賦亦
酬庸殆徧各路帶兵大員以府君籌畫東征倍費心力函
啟曾節相謂宜專摺爲府君請府君聞亟馳函止之略云
自一麾出守五年之內海陟封圻當元年冬間猶是湖濱

一道未六月而超擢三階何敢再萌奢望致蹈無屢之譏
出自
特恩尙當辭况代請乎且如此則數年來艱苦支撐只爲
今日榮寵計非區區任事本志也節相得書大嘉歎心折
府君識量之高遂亦樂成其美故金陵克復保案人數至
多而湘中上下官紳罕得與者府君寓蘇養病五年讀書
課子庭階樸素宛然寒素家風前年曾侯相以勘海莅蘇
鳴騶枉顧縷述府君在湘政績有府君已忘者有一時不
甚經意者歷數若干事侯相去府君謂不孝等曰道路口

碑可畏夫使當時有一事不可對人今日遇湘中人士將
何地自容乎居恆以經史自娛閒與二三知己雜談京華
及湘中舊事爲樂一茗相對不及他也府君不違眾立畦
町亦不徇眾爲可否客冬葺小屋金都轉安清題額曰宜
不宜齋跋尾中引東坡西湖詩及捫腹之言爲喻冷雋峭
逸府君欣然曰此真知我心矣先王父治嘉善有異政道
光中卽議呈請名宦近歲復公呈籲請於馬端敏公新貽
楊中丞昌濬皆奉批准故事子孫現任三品以上大員祖
父不得請祀名宦鄉賢以府君貴顯恐格於例未及遽請

府君瀕危猶命不孝等曰奈何以我故致祖父未入表章
吾目不瞑矣金丈所貽道光癸未浙江大災徵信錄一切
章程皆祖父所定兵後所罕須畱藏家廟不可失嗚呼府
君彌畱一息惟念念於喪心矣夫三父

君親而家事絕不置片詞是尤可痛也矣府君以祿不逮
養孺慕終身逢先忌終日默坐淒然下淚不孝等每於春
秋佳日具一鮮一豚爲府君及我母壽府君輒命於家祠
先薦卽送書塾中供師膳訓不孝等曰汝曹意誠可嘉然
回憶少孤與吾母吾姊終日蔬食幸獲微祿不及反哺故

見佳味轉增思親之痛汝曹此後勿復爲祇益我悲也府君平生一言一動刻自繩檢不失尺寸每日吾不能顯揚祖宗不敢爲祖宗羞我無德澤貽子孫不忍爲子孫造孽嗚呼訓言猶在而音容不可復覩矣此痛尙何言耶今而後不孝等宜如何各自警惕以毋忘我父以慰我母耶痛哉痛哉府君生於嘉慶二十二年正月十三日歿於同治十年六月初一日享年五十有五元配梁夫人會稽相國文定公曾孫女候選縣佐梓園公長女卒於道光戊申四月二十九日繼配戴夫人太僕寺卿蕝塘公姪孫女候選

訓導夢薌公次女少府君十歲府君生子五長不孝桂孫
娶太學生同里沈公喆女次不孝頌孫娶刑部主事上元
葉公守矩女三不孝俟孫娶陝西潼商道同里呂公儁孫
女梁夫人出四不孝炳孫聘江蘇泰興縣知縣浙江歸安
張公興詩女五不孝秀孫未聘女子二長未字次字四川
川東道浙江歸安姚公觀元長子學莪戴夫人出孫男五
永寶永緒永愈永康永錫孫女子二皆不孝桂孫出府君
之去常德常人士刻有鼎州治蹟紀略一書去長沙湖南
人士又刻有官書摘鈔一書諸所述錄或粗得其一端未

足發明府君立身行政之本末然非實政及人何以能使
其久而不忘如此此亦足見府君二十年敷歷中外之梗
概矣不孝等苦塊昏迷語無倫次挂一漏萬淺陋之譏在
所不免伏冀當代立言君子錫之銘誄以光泉壤不孝子
孫感且不朽

炳孫
頌孫
不孝桂孫泣血謹述

俟孫
秀孫